

尚書序

唐國子祭酒上護軍曲阜縣開國子孔穎達撰

夫書者人君辭誥之典右史記言之策古之王者事摠萬機發號  
出令義非一揆或設教以馭下或展禮以事上或宣威以肅震曜  
或敷和而散風雨得之則百度惟貞失之則千里斯謬樞機之發  
榮辱之主絲綸之動不可不慎所以辭不苟出君舉必書欲其昭  
法誠慎言行也其泉源所漸基於出震之君黼藻斯彰郁乎如雲  
之后勲華揖讓而典謨起湯武革命而誓誥興先君宣父生於周  
未有至德而無至位修聖道以顯聖人芟煩亂而翦浮辭舉宏綱

而撮機要上斷唐虞下終秦魯時經五代書摠百篇採翡翠之羽  
毛拔犀象之牙角罄荆山之石所得者連城窮漢水之濱所求者  
照乘巍巍蕩蕩無得而稱郁郁紛紛於斯爲盛斯乃前言往行足  
以垂法將來者也暨乎七雄已戰五精未聚儒雅與深穽同埋經  
典共積薪俱燎漢氏大濟區宇廣求遺逸採古文於金石得今書  
於齊魯其文則歐陽夏侯二家之所說蔡邕碑石刻之古文則兩  
漢亦所不行安國註之寔遭巫蠱遂寢而不用歷及魏晉方始稍  
興故馬鄭諸儒莫覩其學所註經傳時或異同晉世皇甫謐獨得  
其書載於帝紀其後傳授乃可詳焉但古文經雖然早出晚始得

行其辭富而備其義弘而雅故復而不厭久而愈亮江左學者咸

行其辭富而備其義弘而雅故復而不厭久而愈亮江左學者咸  
悉祖焉近至隋初始流河朔其爲正義者蔡大寶巢猗費彪顧彪  
劉焯劉炫等其諸公旨趣多或因循怙釋註文義皆淺略惟劉焯  
劉炫最爲詳雅然焯乃織綜經文穿鑿孔穴詭其新見異彼前儒  
非險而更爲險無義而更生義竊以古人言誥惟在達情雖復時  
或取象不必辭皆有意若其言必託數經悉對文斯乃鼓怒浪於  
平流震驚颯於靜樹使教者煩而多惑學者勞而少功過猶不及  
良爲此也炫嫌焯之煩雜就而刪焉雖復微稍省要又好改張前  
義義更太略辭又過華雖爲文筆之善乃非開獎之路義旣無義

文又非文欲使後生若爲領袖此乃炫之所失未爲得也今奉  
明勅考定是非謹罄庸愚竭所聞見覽古人之傳記質近代之異  
同存其是而去其非削其煩而增其簡此亦非敢臆說必據舊聞  
謹與朝散大夫行太學博士臣王德韶前四門助教臣李子雲等  
謹共銓敘至十六年又奉

勅與前修疏人及通直郎行四門博士驍騎尉臣朱長才給事郎  
守四門博士上騎都尉臣蘇德融登仕郎守太學助教雲騎尉臣  
隨德素儒林郎守四門助教雲騎尉臣王士雄等對

勅使趙弘智覆更詳審爲之正義凡二十卷庶對揚於聖範冀有



初使趙弘智覆更詳審爲之正義凡二十卷庶對揚於聖範冀有

益於童稚略陳其事敘之云爾



尚書序 終

書經

序

三

永懷堂



書經目錄

卷一

尚書序

釋文曰此孔氏所作述尚書起之時代并叙為注之由

卷二

虞書

堯典第一

卷三

虞書

卷四 舜典第二

汨作

九共

豪飶

卷四

虞書

大禹謨第三

皋陶謨第四


卷五

虞書

益稷第五

卷六

夏書



禹貢第一

禹貢第一

卷七

夏書

甘誓第二

五子之歌第三

胤征第四

帝告釐沃

湯征

汝鳩汝方

卷八

商書

湯誓第一

夏社疑至臣扈

典寶

仲虺之誥第二

明居

湯誥第三

肆命

祖后

伊訓第四

太甲上第五

太甲中第六

太甲下第七

咸有一德第八

沃丁  
仲丁

咸父  
河亶甲

伊陟原命  
祖乙

卷九

商書

盤庚上第九

盤庚中第十

盤庚下第十一

卷十

商書

說命上第十二

說命中第十三

說命下第十四

高宗彤日第十五



西伯戡黎第十六

微子第十七

卷十一

周書

泰誓上第二

泰誓中第二

泰誓下第三

牧誓第四

武成第五





卷十二

周書

洪範第六

分器

卷十三

周書

旅獒第七

旅巢之命

金縢第八

大誥第九

微子之命第十

歸禾

嘉禾

卷十四

周書

康誥第十一

酒誥第十二

梓材第十三

卷十五

周書

召誥第十四

卷十六

卷十六



卷十六

周書

多士第十六

無逸第十七

君奭第十八

卷十七

周書

蔡仲之命第十九

成王政

將蒲姑

多方第二十

立政第二十一

卷十八

周書

卷十九 周官第二十二

賄肅慎之命

亳姑

君陳第二十三

顧命第二十四

卷十九

周書

康王之誥第二十五

畢命第二十六

康王之誥第二十五

畢命第二十六

君牙第二十七

冏命第二十八

呂刑第二十九

卷二十

周書

文侯之命第三十

費誓第三十一

秦誓第三十二



正義曰其經亡者以序附於本篇次而為之傳

卷二十一 費誓第二十一

文對之命

周書

卷二十二

呂刑第二十二

卷二十三 呂刑第二十三

卷二十四 呂刑第二十四

書經目錄終



書經卷一

漢 諫大夫魯孔安國序 明 後學葛 彙訂

古者伏犧氏之王天下也。始畫八卦。造書契。以代結繩之政。由是  
文籍生焉。伏犧神農黃帝之書。謂之三墳。言大道也。少昊顓頊高  
辛唐虞之書。謂之五典。言常道也。至于夏商周之書。雖設教不倫。  
雅誥與義。其歸一揆。是故歷代寶之以爲大訓。八卦之設。謂之八  
索。求其義也。九州之志。謂之九丘。丘聚也。言九州所有土地所生。  
風氣所宜。皆聚此書也。春秋左氏傳曰。楚左史倚相。能讀三墳五  
典八索九丘。卽謂上世帝王遺書也。先君孔子。生於周末。觀史籍

之煩文。懼覽之者不一。遂乃定禮樂。明舊章。刪詩爲三百篇。約史記而修春秋。讚易道以黜八索。述職方以除九丘。討論墳典。斷自唐虞。以下訖于周。芟夷煩亂。翦截浮辭。舉其宏綱。撮其機要。足以垂世立教。典謨訓誥誓命之文。凡百篇。所以恢弘至道。示人主以軌範也。帝王之制。坦然明白。可舉而行。三千之徒。竝受其義。及秦始皇滅先代典籍。焚書坑儒。學士逃難解散。我先人用藏其家書于屋壁。漢室龍興。開設學校。旁求儒雅。以闡大猷。濟南伏生年過九十。失其本經。口以傳授。裁二十餘篇。以其上古之書。謂之尚書。百篇之義。世莫得聞。至魯共王好治宮室。壞孔子舊宅。以廣其居。

於壁中得先人所藏古文虞夏商周之書。及傳論語孝經。皆科斗



悠

造

於壁中得先人所藏古文虞夏商周之書。及傳論語孝經。皆科斗文字。王又升孔子堂。聞金石絲竹之音。乃不壞宅。悉以書還孔氏。科斗書廢已久。時人無能知者。以所聞伏生之書。考論文義。定其可知者。爲隸古定。更以竹簡寫之。增多伏生二十五篇。伏生又以舜典合於堯典。益稷合於臯陶謨。盤庚三篇合爲一。康王之誥合於顧命。復出此篇并序。凡五十九篇。爲四十六卷。其餘錯亂摩滅。弗可復知。悉上送官。藏之書府。以待能者。承認爲五十九篇作傳。於是遂研精覃思。博考經籍。採摭羣言。以立訓傳。約文申義。敷暢厥旨。庶幾有補於將來。書序。序所以爲作者之意。昭然義見。宜相

附近故引之各冠其篇首定五十八篇既畢會國有巫蠱事經籍  
 道息用不復以聞傳之子孫以貽後代若好古博雅君子與我同  
 志亦所不隱也



書經卷一  
 終

書經卷二

書經卷二

漢 諫大夫魯孔安國傳

虞書

堯典第一

昔在帝堯。聰明文思。光宅天下。言聖德之遠著。將遜于位。讓于虞舜。遜

也。老使攝遂禪之。作堯典。

堯典。傳言堯可為百代常行之道。

曰若稽古帝堯。

傳若順稽考也。能順考古道而行之者帝堯。

書經 卷二  
曰放勳欽明文思安安。

傳勳功欽敬也。言堯放。上世之功化。而以敬明文。思之四德。安天下之當安者。○放。方往反。註同。

允恭克讓。光被四表格于上下。

傳允信克能。光充格至也。既有四德。又信恭能讓。故其名聞充溢四外。至于天地。○聞音問。

克明俊德。以親九族。

傳能明俊德之士任用之。以睦高祖玄孫之親。

九族既睦。平章百姓。

傳既已也。百姓百官言。化九族而平和章明。

百姓昭明。協和萬邦。黎民於變時雍。

傳昭亦明也。協合黎衆時是雍和也。言

傳昭亦明也。協合黎衆時是雍和也。言天下衆民皆變化化上是以風俗大和。

乃命羲和欽若昊天曆象日月星辰敬授人時。

傳重黎之後羲氏和氏世掌天地四時之官故堯命之使敬順昊天昊天言元氣廣大星四方中星辰日月所會歷象其分節敬記天時以授人也。此舉其以下別序之。

分命羲仲宅嵎夷曰暘谷。

傳宅居也東表之地稱嵎夷暘明也日出於谷而天下明故稱暘谷暘谷嵎夷一也羲仲居治東方之官○嵎音隅

寅賓出日平秩東作。

傳寅敬賓導秩序也歲起於東而始就耕謂之東作東方之官敬導出日平均次序東作之事以務農也。

日中星鳥以殷仲春。

傳日中為春分之日鳥南方朱鳥七宿殷正也春分之昏鳥星畢見以正仲春之氣節轉以推季孟則可知

### 厥民析鳥獸孳尾

傳冬寒無事竝入室處春事既起丁壯就功厥其也言其民老壯分析乳化曰孳交接曰尾○析星歷反孳音字

### 申命羲叔宅南交

傳申重也南交言夏與春交舉一隅以見之此居治南方之官

### 平秩南訛敬致

傳訛化也掌夏之官平叙南方化育之事敬行其教以致其功四時同之亦舉一隅○訛五和反

### 日永星火以正仲夏

傳永長也謂夏至之日火蒼龍之中星舉中則七星見可知以正仲夏之氣節季孟亦可知

厥民因鳥獸希革

厥民因鳥獸希革。

傳因謂老弱因就在田之丁壯以助農也。夏時鳥獸毛羽希少，改易革，改也。

分命和仲，宅西曰昧谷。

傳昧，冥也。日入於谷而天下冥，故曰昧谷。昧谷曰西，則嵎夷東可知。此居治四方之官，掌秋天之政也。

寅饑納日，平秩西成。

傳饑，送也。日出言導，日入言送，凶事之立。秋，西方萬物成，平序其政，助成物。○饑，賤行反。

宵中星虛，以殷仲秋。

傳宵，夜也。春言日，秋言夜，互相備。虛，玄武之中星，亦言七星皆以秋分日見，以正三秋。

厥民夷，鳥獸毛毳。

傳夷平也老壯在田與夏平也。理也。毛更生整理。○稊先典反。

申命和叔宅朔方。曰幽都。平在朔易。

傳北稱朔亦稱方。言一方則三方見矣。北稱幽則南稱明。從可知也。都謂所聚也。易謂歲改易於北方。平均在察其政以順天常。上摠言義和敬順昊天。此分別仲叔各有所掌。

日短星昴以正仲冬。

傳日短冬至之日。昴白虎之中星。亦以七星並見以正冬之三節。

厥民隩。鳥獸氄毛。

傳隩室也。民改歲入此室處以辟風寒。鳥獸皆生。更毳細毛以自溫焉。○隩於六反。

帝曰咨汝羲暨和。朞三百有六旬有六日。以閏月定四時成歲。

傳咨嗟。暨與也。朞四時曰朞。一歲十一月三十日。正三百六十六日。未盈三歲是得。



傳咨嗟暨與也。匝四時曰暮。一歲十二月。月三十日。正三百六十日。除小月六為六日。是為一歲有餘十二日。未盈三歲。是得一月。則置閏焉。以定四時之氣節。成一歲之曆象。

### 允釐百工庶績咸熙

傳允信釐治。工官績功。咸皆熙廣也。言定四時成歲曆。以告時授事。則能信治百官。眾功皆廣。歎其善。○釐力之反。

### 帝曰疇咨若時登庸

傳疇誰庸用也。誰能咸熙庶績。順是事者。將登用之。

### 放齊曰胤子朱啓明帝曰吁嚚訟可乎

傳放齊臣名。胤國子。爵朱名。啓開也。吁疑怪之辭。言不忠信為嚚。又好爭訟。可乎。言不可。

### 帝曰疇咨若予采

傳采事也復求誰能順我事者

驩兜曰都共工方鳩僝功

傳驩兜臣名都於歎美之辭共工官稱鳩聚僝見也歎共工能方方聚見其功○共音恭僝仕簡反於音烏

帝曰吁靜言庸違象恭滔天

傳靜謀滔漫也言共工自為謀言起用行事而違背之貌象恭敬而心傲很若漫天言不可用

帝曰咨四岳

傳四岳即上羲和之四子分掌四岳之諸侯故稱焉

湯湯洪水方割

傳湯湯流貌洪大割害也言大水方為害○湯音傷其

湯湯湯山襄陵浩浩滔天

蕩蕩懷山襄陵浩浩滔天。

傳蕩蕩言水奔突有所滌除懷包襄上也包山上陵浩浩盛大若漫天。

下民其咨有能俾乂。

傳俾使乂治也言民咨嗟憂愁病水困苦故問四岳有能治者將使之。

僉曰於鯀哉。

傳僉皆也鯀崇伯之名朝臣舉之。

帝曰吁咈哉方命圮族。

傳凡言吁者皆非帝意咈戾圮毀族類也言鯀性狠戾好此方名命而行事輒毀敗善類。○咈扶弗反圮音皮美反。

岳曰異哉試可乃已。

傳異已也退也言餘人盡已唯  
鯨可試無成乃退○異音異

帝曰往欽哉

傳勅鯨往治水命使敬其事堯知其性狠戾  
圯族未明其所能而據眾言可試故遂用之

九載績用弗成

傳載年也三考九年  
功用不成則放退之

帝曰咨四岳朕在位七十載

傳堯年十六以唐侯升為天子在位  
七十年則時年八十六老將求代

汝能庸命異朕位

傳異順也言四岳能用帝  
命故欲使順行帝位之事

否德忝帝位

命故欲使順行帝位之事

岳曰否德忝帝位。

傳否不忝辱也辭不堪。否方久反。

曰明明揚側陋。

傳堯知子不肖有禪位之志故明舉明人在側陋者廣求賢也。

師錫帝曰有鰥在下曰虞舜。

傳師衆錫與也無妻曰鰥虞氏舜名在下民之中衆臣知舜聖賢耻已不若故不舉乃不獲已而言之。

帝曰俞子聞如何。

傳俞然也然其所舉言我亦聞之其德行如何。

岳曰瞽子父頑母嚚象傲。

傳無目曰瞽。舜父有目不能分別好惡，故時人謂之瞽。配字曰瞽瞍，無目之稱。心不則德義之經，為頑象。舜弟之字，傲慢不友。言並惡。

克諧以孝。烝烝乂，不格姦。

傳諧，和。烝，進也。言能以至孝和諧頑嚚昏傲，使進進以善自治，不至於姦惡。

帝曰：我其試哉。

傳言欲試舜，觀其行迹。

女于時，觀厥刑于二女。

傳女，妻。刑，法也。堯於是以二女妻舜，觀其法度，接二女以治家觀治國。


釐降二女于媯汭，嬪于虞。

釐降，下。媯，婦也。舜為匹夫，能以義理下帝女之心於所居。居色反，內如鏡反。

傳降下。嬪婦也。舜爲匹夫，能以義理下帝女之心於所居。媯水之汭，使行婦道於虞氏。○媯居危反，汭如銳反。

帝曰欽哉。

傳歎舜能修己行敬以安人，則其所能者大矣。



書經卷二終

書經

卷二 虞書堯典

二

虞書





書經卷三

漢 諫大夫魯孔安國傳

虞書

舜典第二

虞舜側微

為庶人故微賤

堯聞之聰明將使嗣位歷試諸難嗣繼也試

難作舜典

舜典

傳典之義與堯同

曰若稽古帝舜

傳亦言其順考古道而行之

曰重華協于帝

傳華謂文德言其光  
文重合於堯俱聖明

濬哲文明温恭允塞

傳濬深哲智也舜有深智文  
明温恭之德信允塞上下

玄德升聞乃命以位

傳玄謂幽潛潛行道德  
升聞天朝遂見徵用

慎徽五典五典克從

傳徽美也五典五常之教父義母慈兄友弟恭子孝舜慎  
美篤行斯道舉八元使布之於四方五教能從無違命

納于百揆百揆時叙

傳揆度也度百事總百官納舜於此官舜  
使察度百事百事時叙無廢事業

納于百揆百揆時叙  
傳揆度也。度百事。摠百官。納舜於此官。舜一舉八凱。使揆度百事。百事時叙。無廢事業。

賓于四門。四門穆穆。

傳穆穆美也。四門四方之門。舜流四凶族四方。諸侯來朝者。舜賓迎之。皆有美德。無凶人。

納于大麓。烈風雷雨弗迷。

傳麓錄也。納舜使大錄萬機之政。陰陽和。風雨時。各以其節。不有迷錯愆伏。明舜之德合於天。○麓音鹿。

帝曰。格汝舜。詢事考言。乃言底可績。三載。汝陟帝位。

傳格來詢謀。乃汝底致陟升也。堯呼舜曰來。汝所謀事。我考汝言。汝言致可以立功。三年矣。三載考績。故命使升帝位。將禪之。

○底之履反。

舜讓于德弗嗣。

傳辭讓於德不堪不能嗣成帝位

### 正月上日受終於文祖。

傳上日朔日也終謂堯終帝位之事文祖者堯文德之祖廟

### 在璿璣玉衡以齊七政。

傳在察也璿美玉璣衡王者正天文之器可運轉者七政日月五星各異政舜察天文齊七政以審已當天心與否○璿音旋

### 肆類于上帝。

傳堯不聽舜讓使之攝位舜察天文考齊七政而當天心故行其事肆遂也類謂攝位事類遂以攝告天及五帝王云上帝天也馬云上帝太一神在紫微宮天之最尊者

### 禋于六宗。

傳禋謂以享謂之禋宗尊也所禘祭者其祀有六謂日月星辰水旱地祭亦以攝告也

傳精意以享謂之禋宗尊也所尊祭者其祀有六謂四時也寒暑也日也月也星也水旱也祭亦以攝告

### 望于山川徧于羣神

傳九州各山大川五岳四瀆之屬皆一時望祭之羣神謂丘陵墳衍古之聖賢皆祭之

### 輯五瑞既月乃日觀四岳羣牧班瑞于羣后

傳輯斂既盡觀見班還后君也舜斂公侯伯子男之瑞圭璧璜以正月中乃日日見四岳及九州牧監還五瑞於諸侯與之正始○輯音集

### 歲二月東巡守至于岱宗柴

傳諸侯為天子守土故稱守巡行之既班瑞之明月乃順春東巡岱宗泰山為四岳所宗燔柴祭天告至

### 望秩于山川

傳東岳諸侯竟內名山大川如其秩次望祭之謂  
五岳牲禮視三公四瀆視諸侯其餘視伯子男

### 肆覲東后

傳遂見東方之國君

### 協時月正日同律度量衡

傳合四時之氣節月之大小日之甲乙使  
齊一也律法制及尺丈斛斗斤兩皆均同

### 修五禮五玉

傳修吉凶賓軍嘉之  
禮五等諸侯執其玉

### 三帛二生一死贄

傳三帛諸侯世子執纁公之孤執玄附庸之君執黃二生卿執  
羔大夫執雁一死士執雉玉帛生死所以為贄以見之○贄音

至纁許

云反

如五器卒乃復。

傳卒終復還也。器謂圭璧如五器。禮終則還之。三帛生死則否。

五月南巡守至于南岳如岱禮。

傳南岳衡山自東岳南巡五月至。

八月西巡守至于西岳如初。

傳西岳華山。初謂岱宗。

十有一月朔巡守至于北岳如西禮。

傳北岳恒山。

歸格于藝祖用特

傳巡守四岳然後歸告至文祖之廟藝文也言祖則考者特一牛

五載一巡守羣后四朝

傳各會朝于方岳之下凡四處故曰四朝將說敷奏之事故申言之堯舜同道舜攝則然堯又可知

敷奏以言明試以功車服以庸

傳敷陳奏進也諸侯四朝各使陳進治理之言明試其言以要其功功成則賜車服以表顯其能用

肇十有二州

傳肇始也禹治水之後舜分冀州為幽州并州分青州為營州始置十二州○肇音兆

封十有二山濟川

傳封大也每州之名山殊大者以為其州



傳封大也。每州之名山殊大者，以為其州之鎮。有流川，則深之，使通利。○濬荀俊反。

### 象以典刑。

傳象法也。法用常刑，用不越法。

### 流宥五刑。

傳宥寬也。以流放之法寬五刑。○宥音又。

### 鞭作官刑。

傳以作為治官事之刑。

### 扑作教刑。

傳扑，榎楚也。不勤道業，則撻之。



金作贖刑。

傳金黃金誤而入刑出金以贖罪

眚災肆赦。怙終賊刑。

傳眚過災害肆緩賊殺也過而有害當緩赦之怙姦自終當刑殺之○眚所景反怙音戶

欽哉欽哉。惟刑之恤哉。

傳舜陳典刑之義勅天下使敬之憂欲得中

流共工于幽洲。

傳象恭滔天足以惑世故流放之幽洲北裔水中可居者曰洲

放驩兜于崇山。

傳驩兜於共工罪罪惡同崇山南裔

放驩兜于崇山

傳黨於共工罪惡同崇山南裔

### 竄三苗于三危

傳三苗國名縉雲氏之後為諸侯號饕餮三危西裔○竄七亂反

### 殛鯀于羽山

傳方命圯族績用不成殛竄放流皆誅也異其文述作之體羽山東裔在海中

### 四罪而天下咸服

傳皆服舜用刑當其罪故作者先叙典刑而連引四罪明皆徵用所行於此摠見之

### 二十有八載帝乃殂落

傳殂落死也堯年十六即位七十載求禪試舜三載自正月上日至崩二十八載堯死壽一百一十七歲

百姓如喪考妣。

傳考妣，父母言。

百官感德思慕。

三載四海遏密八音。

傳遏，絕密靜也。八音，金石絲竹匏土革木四聲。

絕音三年，則華夏可知。言盛德恩化所及者遠。

月正元日，舜格于文祖。

傳月正，正月元日，上日也。舜服堯喪

三年，畢將即政，故復至文祖廟告。

詢于四岳，闢四門。

傳詢，謀也。謀政治於四岳，開闢

四方之門，未開者，廣致眾賢。

明四目，達四聰。

傳廣視聽於四方，使天下無壅塞。

傳廣視聽於四方  
使天下無壅塞

咨十有二牧曰食哉惟時

傳咨亦謀也所重在於  
民食惟當敬授民時

柔遠能邇惇德允元

傳柔安邇近敦厚也元善之長言當安遠乃能安  
近厚行德信使是長善○惇音敦長丈反下同

而難任人蠻夷率服

傳任佞難拒也佞人斥遠之則忠信昭於  
四夷皆相率而來服○難乃且反任音壬

舜曰咨四岳有能奮庸熙帝之載

傳奮起庸功載事也訪羣臣有能起  
發其功廣堯之事者言舜曰以別堯

使宅百揆亮采惠疇。

傳亮信惠順也求其人使居百揆之官信立其功順其事者誰乎

兪曰伯禹作司空

傳四岳同辭而對禹代鯀為宗伯入為天子司空治洪水有成功言可用之

帝曰兪咨禹汝平水土惟時懋哉

傳然其所舉稱禹前功以命之懋勉也惟居是百揆勉行之

禹拜稽首讓于稷契暨皋陶

傳居稷官者棄也契皋陶二臣名稽首首至地

帝曰兪汝往哉

傳然其所推之賢不許其讓故使汝往

帝曰俞汝往哉

傳然其所推之賢不許其讓敕使往宅百揆

帝曰棄黎民阻飢汝后稷播時百穀

傳阻難播布也衆人之難在於飢汝后稷布種是百穀以濟之美其前功以勉之

帝曰契百姓不親五品不遜

傳五品謂五常遜順也

汝作司徒敬敷五教在寬

傳布五常之教務在寬所以得人心亦美其前功

帝曰臯陶蠻夷猾夏寇賊姦宄

傳猾亂也夏華夏羣行攻劫曰寇殺人曰賊在外曰姦在內曰宄言無教所致○宄音軌

汝作士五刑有服

傳士理官也五刑墨劓剕宮大辟服從也言得輕重之中正

五服三就

傳既從五刑謂服罪也行刑當就三處大罪於原野大夫於朝士於市

五流有宅五宅三居

傳謂不忍加刑則流放之若四凶者五刑之流各有所居五居之差有三等之居大罪四裔次九州之外次千里之外

惟明克允

傳言臯陶能明信五刑施之遠近蠻夷猾夏使咸信服無敢犯者因禹讓三臣故歷述之

帝曰疇若予工僉曰垂哉

傳問誰能順我百工事



傳問誰能順我百工事者朝臣舉垂垂臣名

帝曰俞咨垂汝共工

傳共謂供其職事○共音恭

垂拜稽首讓于殳斨暨伯與

傳殳斨伯與二臣名○斨七良反

帝曰俞往哉汝諧

傳汝能諧和此官

帝曰疇若予上下草木鳥獸兪曰益哉

傳上謂山下謂澤順謂施其政教取之有時用之有節言伯益能之

書經

卷三 虞書舜典

七

辰復堂

帝曰。俞。咨。益。汝。作。朕。虞。

傳虞掌山

澤之官

益拜稽首。讓于朱虎熊羆。帝曰。俞。往哉。汝諧。

傳朱虎熊羆二臣名垂益

所讓四人皆在元凱之中

帝曰。咨。四。岳。有。能。典。朕。三。禮。僉。曰。伯。夷。

傳三禮天地人之

禮伯夷臣名姜姓

帝曰。俞。咨。伯。汝。作。秩。宗。

傳秩序宗尊也

主郊廟之官

夙夜惟寅。直哉惟清。

傳夙早也言早夜敬思其職  
且禮施文故使正直而清

夙夜惟寅直哉惟清

傳夙早也言早夜敬思其職典禮施政教使正直而清明

伯拜稽首讓于夔龍

夔龍二

臣名

帝曰俞往欽哉

傳然其賢不許讓

帝曰夔命汝典樂教胥子

傳胥長也謂元子以下至卿大夫子弟以歌詩蹈之舞之教長國子中和祗庸孝友

直而溫寬而栗

傳教之正直而溫積寬弘而能莊栗

書經

卷三 虞書舜典

十

虞書舜典

剛而無虐。簡而無傲。

傳剛失之虐。簡失之傲。教之以防其失。

詩言志。歌永言。

傳謂詩言志以導之。歌詠其義以長其言。

聲依永。律和聲。

傳聲謂五聲。宮商角徵羽。律謂六律。六呂。十二月之音氣。言當依聲律以和樂。

八音克諧。無相奪倫。神人以和。

傳倫。理也。八音能諧。理不錯奪。則神人咸和。命夔使勉之。

夔曰。於予擊石拊石。百獸率舞。

傳。石。石磬也。擊石。擊石也。拊石。拊石也。百獸。百獸也。率舞。率舞也。神人。神人可知。其

傳石磬也磬音之清者拊亦擊也舉清者和則其餘皆從矣樂感百獸使相率而舞則神人和可知

帝曰龍朕望讒說殄行震驚朕師

傳望疾殄絕震動也言我疾讒說絕君子之行而動驚我眾欲遏絕之○望在力反

命汝作納言夙夜出納朕命惟允

傳納言喉舌之官聽下言納於上受上言宣於下必以信

帝曰咨汝二十有二人

傳禹垂益伯夷夔龍六人新命有職四岳十二牧凡二十二人特勅命之

欽哉惟時亮天功

傳各敬其職惟是乃能信立天下之功

三載考績。三考黜陟幽明。

傳三年有成，故以考功。九歲則能否幽明有別，黜退其幽者，升進其明者。

庶績咸熙，分北三苗。

傳考績法明，眾功皆廣。三苗幽闇，君臣善否分北流之，不令相從。善惡明。北音佩。

舜生三十徵庸。

傳言其始見試用。

三十在位。

傳歷試二年攝位二十八年。

五十載陟方乃死。

傳方道也。舜卽位五十年，升道南方巡守，死於蒼梧之野。而歷試二十載，卽三十在位。服喪三年，其一在三十之數。爲天子五

五十載陟方乃死

傳方道也舜卽位五十年升道南方巡守死於蒼梧之野而葬焉三十徵庸三十在位服喪三年其一在三十之數爲天子五十年凡壽百一十二歲

帝釐下土方設居方

傳言舜理四方諸侯各設其官居其方

別生分類

傳生姓也別其姓族

分其類使相從作汨作

傳汨治作興也言其治民之功興故爲汨作之篇亡

九共九篇豪飫

傳豪勞也

飫賜也凡十一篇皆亡



書經卷三

終

虞書舜典

三

虞書





書經卷四

漢 諫大夫魯孔安國傳

虞書

大禹謨第三

皋陶矢厥謨

也。陳其

禹成厥功

陳其成功

帝舜申之

申，重也。重美二子之言。

作大

禹。皋陶謨

大禹謀九功。皋陶謀九德。

益稷

凡三篇。

大禹謨

禹稱大。大其功。謨謀也。

曰若稽古大禹

傳順考古

道而言之。

曰。文命敷于四海。祇承于帝。

傳言其外布文德教命。內則敬承堯舜。

曰。后克艱厥后。臣克艱厥臣。政乃乂。黎民敏德。

傳敏疾也。能知為君難。為臣不易。則其政治。而眾民皆疾修德。

帝曰。兪。允若茲。嘉言罔攸伏。野無遺賢。萬邦咸寧。

傳攸所也。善言無所伏。言必用。如此則賢才在位。天下安寧。

稽于眾。舍己從人。不虐無告。不廢困窮。惟帝時克。

傳帝謂堯也。舜因嘉言無所伏。遂稱堯德以成其義。考眾從人。矜孤愍窮。凡人所輕。聖人所重。

益曰。都。帝德廣運。乃聖乃神。乃武乃文。

傳益曰。舜言又美堯也。廣謂所覆者。大運謂所及。武定禍亂。

益曰都帝德廣運乃聖乃福乃武乃文

傳益因舜言又美堯也廣謂所覆者大運謂所及者遠聖無所不通神妙無方文經天地武定禍亂

皇天眷命奄有四海為天下君

傳眷視奄同也言堯有此德故為天所命所以勉舜也

禹曰惠迪吉從逆凶惟影響

傳迪道也順道吉從逆凶吉凶之報若影之隨形響之應聲言不虛

益曰吁戒哉傲戒無虞罔失法度

傳先吁後戒欲使聽者精其言虞度也無億度謂無形戒於無形備慎深秉法守度言有恒

罔遊于逸罔淫于樂

傳淫過也遊逸過樂敗德之原富貴所忽故特以為戒

任賢勿貳。去邪勿疑。疑謀勿成。百志惟熙。

傳一意任賢果於去邪疑則勿行。道義所存於心。日以廣矣。

罔違道以干百姓之譽。

傳干求也。失道求名。古人賤之。

罔咈百姓以從己之欲。

傳咈戾也。專欲難成。犯眾與禍。故戒之。○咈扶弗反。

無怠無荒。四夷來王。

傳言天子常戒慎無怠惰。荒廢則四夷歸往之。

禹曰。於帝念哉。德惟善政。政在養民。

傳歌而言念。重其言。

傳歎而言念重其言  
為政以德則民懷之

水。火。金。木。土。穀。惟。修。

傳言養民之本  
在先修六府

正。德。利。用。厚。生。惟。和。

傳正德以率下，利用以阜財，厚  
生以養民，三者和，所謂善政

九。功。惟。叙。九。叙。惟。歌。

傳言六府三事之功有叙  
叙皆可歌樂，乃德政之致

戒。之。用。休。董。之。用。威。勸。之。以。九。歌。俾。勿。壞。

傳休，美董，督也，言善政之道美以戒之，威以  
督之，歌以勸之，使政勿壞，在此三者而已

帝曰。俞。地平天成。六府三事允治。萬世永賴。時乃功。

傳水土治曰平。五行敘曰成。因禹陳九功而歎美之。言是汝之功。明衆臣不及。

帝曰。格汝禹。朕宅帝位。三十有三載。耄期倦于勤。汝惟不怠。總朕

師。

傳八十九十日耄。百年日期頤。言已年老。厭倦萬机。汝不懈怠於位。稱總我衆。欲使攝。○格。庚白反。耄。莫報反。

禹曰。朕德罔克。民不依。臯陶邁種德。德乃降。黎民懷之。

傳邁。行種布降下。懷歸也。言已無德。民所不能依。臯陶布行其德。下洽於民。民歸服之。○種。章用反。降。江巷反。

帝念哉。念茲在茲。釋茲在茲。

傳茲。此釋廢也。念。此入在此。功。廢。正人在此。罪言不可誣。

各言茲在茲。允出茲在茲。惟帝念功。

名言茲在茲。允出茲在茲。惟帝念功。

傳名言此事必在此。信出此心亦在此。言臯陶之德以爲主所宜念茲。

帝曰臯陶惟茲。臣庶罔或干予正。

傳或有也。無有于我正。言順命。

汝作士。明于五刑。以弼五教。期于予治。

傳弼。輔期。當也。歎其能以刑輔教。當於治體。

刑期于無刑。民協于中。時乃功懋哉。

傳雖或行刑。以殺止殺。終無犯者。刑期於無所刑。民皆合於大中之道。是汝之功勉之。

臯陶曰。帝德罔愆。臨下以簡。御衆以寬。

傳愆過也善則歸君人臣之義○愆音牽

罰弗及嗣賞延于世

傳嗣亦世俱謂子延及也父子罪不相及而及其賞道德之政

宥過無大刑故無小

傳過誤所犯雖夫必宥不忌故犯雖小必刑○宥音又

罪疑惟輕功疑惟重

傳刑疑附輕賞疑從重忠厚之至

與其殺不辜寧失不經好生之德洽于民心茲用不犯于有司

傳辜罪經常司主也皋陶因帝勉已遂稱帝之德所以明民不犯上也寧失不常之罪不枉不辜之善仁愛之道

帝曰俾予從欲以治四方風動惟乃之休



帝曰。俾予從欲以治。四方風動。惟乃之休。

傳使我從心所欲而政以治民動順上命若草應風是汝能明刑之美

帝曰。來禹。降水儆予。成允成功。惟汝賢。

傳水性流下故曰下水儆戒也能成聲教之信成治水之功言禹最賢重美之儆居領反

克勤于邦。克儉于家。不自滿假。惟汝賢。

傳滿謂盈實假大也言禹惡衣薄食卑其宮室而盡力為民執心謙冲不自盈大○假工雅反

汝惟不矜。天下莫與汝爭能。汝惟不伐。天下莫與汝爭功。

傳自賢曰矜自功曰成言禹推善讓人而不失其能不有其勞而不失其功所以能絕眾人

予懋乃德。嘉乃丕績。天之曆數在汝躬。汝終陟元后。

傳丕大也。曆數謂天道。元大也。大君天子舜善禹有治水之大功。言天道在汝身。汝終當升為天子。

人心惟危。道心惟微。惟精惟一。允執厥中。

傳危則難安。微則難明。故戒以精一。信執其中。

無稽之言勿聽。弗詢之謀勿庸。

傳無考無信。駢不詢。專獨終必無成。故戒勿聽用。

可愛非君。可畏非民。眾非元后。何戴。后非眾罔與守邦。

傳民以君為命。故可愛。君失道。民叛之。故可畏。言眾戴君以自存。君恃眾以守國。相須而立。

欽哉。慎乃有位。敬修其可願。四海困窮。天祿永終。

傳有位天子位。可願謂道德之美。困窮謂天民之無告者。言為天子。勤此三者。則天之祿籍長終汝身。

惟口出好興戎。朕言不再。

惟口出好興戎朕言不再

傳好謂賞善戎謂伐惡言口榮辱之主慮而宣之成於一也

禹曰枚卜功臣惟吉之從

傳枚謂歷卜之而從其吉此禹讓之志○枚音梅

帝曰禹官占惟先蔽志昆命于元龜

傳帝王立卜占之官故曰官占蔽斷昆後也官占之法先斷人志後命於元龜言志定然後卜○斷丁亂反

朕志先定詢謀僉同鬼神其依龜筮協從卜不習吉

傳習因也言已謀之於心謀及卜筮四者合從卜不因吉無所枚卜

禹拜稽首固辭

傳再辭曰固

帝曰。母。惟汝諧。

傳言母所以禁其辭。禹有大功德。故能諧和元后之任。

正月朔旦。受命于神宗。

傳受舜終事之命。神宗。文祖之宗廟。言神尊之。○正音政。

率百官。若帝之初。

傳順帝初攝帝位。故事奉行之。

帝曰。咨禹。惟時有苗弗率。汝徂征。

傳三苗之民。數干王誅。率循徂往也。不循帝道。言亂逆。命禹討之。○數音朔。

禹乃會羣后。誓于師曰。濟濟有衆。咸聽朕命。

禹乃會羣后。誓于師曰。濟濟有衆。咸聽朕命。

傳會諸侯共伐有苗軍。旅曰誓。濟濟衆盛之貌。

蠢茲有苗。昏迷不恭。

傳蠢動昏闇也言其所以宜討之。

侮慢自賢。反道敗德。

傳狎侮先王。輕慢典教。反正道。敗德義。○侮亡甫反。

君子在野。小人在位。

傳廢仁賢。任姦佞。

民棄不保。天降之咎。

傳言民叛  
天災之

肆予以爾眾士奉辭罰罪。

傳肆故也辭謂不恭  
罪謂侮慢以下事

爾尚一乃心力其克有勳。

傳尚庶幾一汝  
心力以從我命

三旬苗民逆命。

傳旬十日也以師臨之一月不服責舜不先有文誥之命威  
讓之辭而便憚之以威脅之以兵所以生辭○脅許業反

益贊于禹曰惟德動天無遠弗届。

傳贊佐届至也益以此義佐  
禹欲其修德致遠○届音戒

特招損謙受益時乃天道。

滿招損謙受益時乃天道。

傳自滿者人損之自謙者人益之是天之常道。

帝初于歷山往于田日號泣于旻天于父母。

傳仁覆愍下謂之旻天言舜初耕于歷山之時為父母所疾日號泣于旻天及父母克已自責不責於人○號戶高反

負罪引慝祗載見警聾夔夔齊慄警亦允若。

傳慝惡載事也夔夔慄懼之貌言舜負罪引惡敬以事見于父慄懼齊莊父亦信順之言能以至誠感頑父○見賢遍反

至誠感神矧茲有苗。

傳誠和矧況也至和感神况有苗乎言易感○誠音咸易以豉反

禹拜昌言曰兪班師振旅。

傳昌當也以益言為當故拜受而然之遂還師兵入曰振旅言整眾○當丁浪反還音旋

### 帝乃誕敷文德

傳遠人不服大布文德以來之

### 舞干羽于兩階

傳干楯羽翳也皆舞者所執修闡文教舞文舞于賓主階間抑武事○階音皆楯食允反

### 七旬有苗格

傳討而不服不討自來明御之者必有道三苗之國左洞庭右彭蠡在荒服之例去京師二千伍百里也○蠡音禮

### 虞書

### 皋陶謨第四

皋陶謨傳謨謀也皋陶為帝



皋陶謨傳謨謀也皋陶為帝

曰若稽古皋陶。

傳亦順考古道以言之夫典謨聖帝所以立治之本皆師法古道以成不易之則

曰允迪厥德謨明弼諧。

傳迪蹈厥其也其古人也言人君當信蹈行古人之德謀廣聰明以輔諧其政

禹曰兪如何。

傳然其言問所以行

皋陶曰都慎厥身修思永。

傳歎美之重也慎修其身思為長久之道

惇敘九族。庶明勵翼。邇可遠在茲。

傳言慎修其身。厚次敘九族。則眾庶皆明其教。而自勉勵翼戴上命。近可推而遠者在此道。

禹拜昌言曰。兪

傳以臯陶言為當。故拜受而然之。

臯陶曰。都在知人。在安民。

傳歎修身親親之道。在知人所信任。在能安民。

禹曰。吁。咸若時。惟帝其難之。

傳言帝堯亦以知人安民為難。故曰吁。

知人則哲。能官人。安民則惠。黎民懷之。

傳言智也。無所不知。故能安民。則民歸之。

先人則哲能官人安民則惠黎民懷之

傳哲智也無所不知故能  
官人惠愛也愛則民歸之

能哲而惠何憂乎驩兜

傳佞人亂真堯憂  
其敗政故流放之

何遷乎有苗何畏乎巧言令色孔壬

傳孔甚也巧言靜言庸違令色象恭滔天禹言有  
苗驩兜之徒甚佞如此堯畏其亂政故遷放之

皐陶曰都亦行有九德

傳言人性行有九德  
以考察真偽則可知

亦言其人有德乃言曰載采采

傳載行采事也稱其人有德必  
言其所行某事某事以為驗

禹曰何。

傳問九  
德品例

臯陶曰寬而栗。

傳性寬弘  
而能莊栗

柔而立。

傳和柔而  
能立事

愿而恭。

傳慤愿  
而恭恪

亂而敬。



書經  
卷四  
皋陶謨  
一  
元博堂

傳亂治也。有

亂而敬

傳亂治也。有治而能謹敬。

擾而毅

傳擾順也。致果為毅。○擾音饒。毅五既反。

直而溫

傳行正直而氣溫。和。

簡而廉

傳性簡大而。有廉隅。

剛而塞

傳剛斷而實塞。



書經

卷四 虞書 皋陶謨

七

天

疆而義。

傳無所屈撓，動必合義。

彰厥有常吉哉。

傳彰明吉善也，明九德之常以擇人而官之，則政之善。

日宣三德，夙夜浚明有家。

傳三德九德之中有其三，宣布夙早浚須也，卿大夫稱家言能日日布行三德，早夜思之，須明行之，可以為卿大夫。

日嚴祗敬六德，亮采有邦。

傳有國諸侯日日嚴敬其身敬行六德以信治政事，則可以為諸侯。

翕受敷施，九德咸事，俊乂在官。

傳翕和也能合受三六之德而用之以布施政教使九人皆用其德，天子如此則俊德治能之士並在官。

翁受敷施九德成事俊又在官

傳翁和也能合受三六之德而用之以布施政教使九德之人皆用事謂天子如此則俊德治能之士並在官

百僚師師百工惟時

傳僚工皆官也師師相師法百官皆是言政無非

撫于五辰庶績其凝

傳凝成也言百官皆撫順五行之時眾功皆成

無教逸欲有邦

傳不為逸豫貪欲之教是有國者之常

兢兢業業一日二日萬幾

傳兢兢戒慎業業危懼幾微也言當戒懼萬事之微

書經

卷四 虞書皋陶謨

七

虞書

無曠庶官。天工人其代之。

傳曠空也。位非其人為空官。言人代天理官。不可以天官私非其才。

天叙有典。勅我五典。五惇哉。

傳天次敘人之常性。各有分義。當勅正我五常之教。使合於五厚。厚天下。

天秩有禮。自我五禮。有庸哉。

傳庸常自用也。天次秩有禮。當用我公侯伯子男五等之禮。以接之。使有常。

同寅協恭。和衷哉。

傳衷善也。以五禮正諸侯。使同敬合恭。而和善。

天命有德。五服五章哉。

傳五服天子諸侯甸大夫士之服也。傳形章各異。所以命有德。



天命有德五服五章哉

傳五服天子諸侯卿大夫士之服也尊卑彩章各異所以命有德

天討有罪五刑五用哉。

傳言天以五刑討有罪用五刑宜必當

政事懋哉懋哉。

傳言叙典秩禮命德討罪無非天意者故人君居天官聽政治事不可以不自勉

天聰明自我民聰明。

傳言天因民而降之福民所歸者天命之天視聽人君之行用民為聰明

天明畏自我民明威。

傳天明可畏亦用民成其威民所叛者天討之是天明可畏之効

達于上下。敬哉有土。

傳言天所賞罰惟善惡所在不避貴賤有土之君不可不敬懼

皋陶曰。朕言惠可底行。

傳其所陳九德以下之言順於古道可致行

禹曰。兪乃言底可績。

傳然其所陳從而美之曰用汝言致可以立功

皋陶曰。予未有知。思曰贊贊襄哉。

傳言我未有所却未能思致於善徒亦贊奏上古行事而言之。禹美之承以謙辭言之原

書經卷四

終

書經卷五

書經卷五

漢 諫大夫魯孔安國傳

虞書

益稷第五

益稷

禹稱其人，因以各篇。

帝曰來禹。汝亦昌言。

傳因臯陶謨九德故

呼禹使亦陳當言。

禹拜曰。都。帝。予何言。予思日孜孜。

傳拜而歎，辭不言，欲使帝重臯陶所陳言已。思日孜孜不怠，奉承臣功而已。○孜音茲。

臯陶曰。吁。如何。

傳問所以  
孜孜之事

禹曰。洪水滔天。浩浩懷山襄陵。下民昏墊。

傳言天下民昏。皆墊溺。皆困

水災。○墊。丁念反。音務。

予乘四載。隨山刊木。

傳所載者四。謂水乘舟。陸乘車。泥乘輻。山乘櫟。隨行九州之  
山林。刊。槎其木。開通道路。以治水也。○輻。丑倫反。漢書作櫟。

暨益奏庶鮮食。

傳奏。謂進於民。鳥獸新殺曰鮮。  
與益。槎木。獲鳥獸。民以進食。

予決九川。距四海。濬畎澮。距川。

傳距。至也。決。九州。各川。通之。至海。一畎。之。澮。廣尺深尺曰澮。亦人海。

三決九川距四海滄暎澮距川

傳距至也。決九州各川通之至海。一畝之間廣尺深尺曰澮。方百里之間廣二尋深二仞曰澮。澮暎深之至川亦入海。

暨稷播奏庶艱食鮮食。

傳艱難也。眾難得食處則與稷教民播種之。決川有魚鱉使民鮮食之。

懋遷有無化居。

傳化易也。居謂所宜居積者。勉勸天下徙有之無。魚鹽徙山林木徙川澤交易其所居積。

烝民乃粒萬邦作乂。

傳米食曰粒。言天下由此為治本。

臯陶曰。兪。師汝昌言。

傳言禹功甚當。可師法。

書經

卷五 虞書益稷

二

虞書益稷

禹曰都。帝慎乃在位。帝曰俞。

傳然禹言受其戒。

禹曰安汝止。惟幾惟康。其弼直。

傳言慎在位當先安好惡所止念慮幾微以保其安其輔臣必用直人。

惟動不應。徯志。

傳徯待也。帝先安所止動則天下大應之順命以待帝志。

以昭受上帝。天其申命用休。

傳昭明也。非但人應之。又乃明受天之報施。天又重命用美。

帝曰吁。臣哉鄰哉。鄰哉。臣哉。禹曰俞。

傳鄰。近也。言君臣

帝曰吁咎哉鄰哉鄰哉我臣哉禹曰俞

傳鄰近也言君臣道近相須而成

帝曰臣作朕股肱耳目

傳言大體若身

予欲左右有民汝翼

傳左右助也助我所有之民富而教之汝翼成我

予欲宣力四方汝為

傳布力立治之功汝羣臣當為之

予欲觀古人之象

傳欲觀示法象之服制

# 日月星辰山龍華蟲

傳日月星為三辰華象草華蟲雉也畫三辰山龍華蟲於衣服旌旗

## 作會宗彝

傳會五采也以五采成此畫焉宗廟彝樽亦以山龍華蟲為飾

## 藻火粉米黼黻絺繡

傳藻水草有文者火為火字粉若粟米米若聚米黼若斧形黻為兩已相背葛之精者曰絺五色備曰繡

## 以五采彰施于五色作服汝明

傳天子服日月而下諸侯自龍衮而下至黼黻士服藻火大夫加粉米上得兼下下不得僭上以五采明施于五色作尊卑之

服汝明制之

予欲聞六律五聲八音在治忽以出納五言汝聽



予欲聞六律五聲八音在治忽以出納五言汝聽

傳言欲以六律和聲音在察天下治理及忽怠者又以出納仁義禮智信五德之言施于民以成化汝當聽審之

予違汝弼汝無面從退有後言

傳我違道汝當以義輔正我無得而從我違而退後有言我不可弼

欽四鄰庶頑讒說若不在時

傳四近前後左右之臣勅使敬其職眾頑愚讒說之人若所行不在於是而為非者當察之

侯以明之撻以記之

傳當行射侯之禮以明善惡之教答撻不是者使記識其過○撻他末反答勑擬反

書用識哉欲並生哉

傳書識其非欲使  
改悔與其茲生

工以納言時而颺之

傳工樂官當誦詩以納諫當是  
正其義而颺道之○颺音揚

格則承之庸之否則威之

傳天下人能至于道則承用之  
任以官不從教則以刑威之

禹曰俞哉帝光天之下至于海隅蒼生

傳光天之下至于海隅蒼  
蒼然生草木言所及廣遠

萬邦黎獻共惟帝臣惟帝時舉敷納以言明庶以功車服以庸

傳獻賢也萬國眾賢共為帝臣帝舉是而用之使陳  
布其言明之皆以功大小為差以車服旌其能用之

誰敢不讓敢不敬應

誰敢不讓。敢不敬應。

傳上惟賢是用，則下皆敬應。上命而讓善。

帝不時敷，同日奏罔功。

傳帝用臣不是，則遠近布同而日進於無功。以賢愚竝位，優劣共流故。

無若丹朱傲，惟慢遊是好。

傳丹朱堯子，舉以戒之。

傲虐是作，罔晝夜頡頏。

傳傲戲而為虐，無晝夜常頡頏肆惡無休息。○頡頏五客反。

罔水行舟，朋淫于家，用殄厥世。

傳朋羣也。舟朱習於無水陸地行舟言無度羣淫于家妻妾亂用是絕其世不得嗣。

予創若時。娶于塗山。辛壬癸甲。

傳創懲也。塗山國名。懲舟朱之惡。幸甲娶妻至于甲日。復往治水。不以私害公。

啓呱呱而泣。予弗子。惟荒度土功。

傳啓禹子也。禹治水過門不入。聞啓泣聲不暇。子名之。以大治度水土之功。故。○呱音孤。

弼成五服。至于五千。州十有二師。

傳五服侯甸綏要荒服也。服五百里。四方相距為方五千。里。沿洪水輔成之一州用三萬人。功九州二十七萬。廣。

外薄四海。咸建五長。

傳薄迫也。言至海諸侯五國立賢者一人為方伯。謂之五長。以相統治。以獎帝室。○薄蒲各反。

各勉有功。苗頑弗卽。工。帝其念哉。

各迪有功。苗頑弗卽工。帝其念哉。

傳九州五長各路為有功惟三苗頑凶不得就官善惡分別

帝曰迪朕德時乃功惟叙。

傳言天下路行我德是汝治水之功有次序敢不念乎

臯陶方祗厥叙方施象刑惟明。

傳方四方禹五服既成故臯陶敬行其九德考績之次序於四方又施其法刑皆明白史因禹功重美之

夔曰夔擊鳴球搏拊琴瑟以詠祖考來格。

傳憂擊祝故所以作止樂搏拊以韋為之實之以糠所以節樂球玉磬此舜廟堂之樂民悅其化神歆其祀禮備樂和故以祖考來至明之○祝尺叔反敵魚呂反

虞賓在位。羣后德讓。

傳丹朱為王者後故稱賓言與諸侯助祭班爵同推先有德

下管鼗鼓。合止祝啟。

傳堂下樂也上下合止樂各有祝啟明球絃鍾籥各自互見

笙鏞以間。鳥獸蹌蹌。

傳鏞大鍾間送也吹笙擊鍾鳥獸化德相率而舞蹌蹌然○蹌七羊反

簫韶九成。鳳皇來儀。

傳韶舜樂名言簫見細器之備雄曰鳳雌曰皇靈鳥也儀有容儀備樂九奏而致鳳皇則餘鳥獸不待九而率舞

夔曰於予擊石拊石。百獸率舞。庶尹允諧。

傳夔正也眾正官之長信比音和諧言神人治始於任賢立政以禮治成以樂所以太平○於予並如字

傳尹正也。衆正官之長。信皆和諧。言神人治始於任賢立政以禮治成以樂所以太平。○於予並如字。

帝庸作歌曰。勅天之命。惟時惟幾。

傳用庶尹允諧之政。故作歌以戒。安不忘危。勅正也。奉正天命以臨民。惟在順時。惟在慎微。

乃歌曰。股肱喜哉。元首起哉。百工熙哉。

傳元首君也。股肱之臣。喜樂盡忠。君之治功乃起。百官之業乃廣。○樂音洛。

臯陶拜手稽首。颺言曰。念哉。

傳大言而疾曰。颺承歌以戒帝。

率作興事。慎乃憲。欽哉。

傳憲法也。天子率臣下為起治之事。當慎汝法度。敬其職。

言宗 卷三  
屢省乃成欽哉。

傳屢數也當數顧省汝  
成功敬終以善無懈怠

乃膺載歌曰元首明哉股肱良哉庶事康哉。

傳膺續載成也帝歌歸美股肱義未足  
故續歌先君後臣衆事乃安以成其義

又歌曰元首叢脞哉股肱惰哉萬事墮哉。

傳叢脞細碎無大略君如此則臣懈惰萬事墮廢其  
功不成歌以申戒○叢太公反脞倉果反墮許規反

帝拜曰俞往欽哉。

傳拜受其歌戒羣臣自  
今以往敬其職事哉

書經卷五 終



書經卷六

漢 諫大夫魯孔安國傳

夏書

禹貢第一

禹別九州

分其圻界隨山濬川

刑其木深其流任土作貢

任其土地所有定其貢賦之差此堯

時襄而在夏書之首禹之王以是功

禹貢

傳禹制九州貢法

禹敷土隨山刊木

傳洪水汎溢禹分布治九州之土隨行山林斬木通道

奠高山大川。

傳奠定也。高山五岳，大川四瀆，定其差秩，祀禮所視。

冀州既載。

傳堯所都也。先施貢賦，役載於書。

壺口治梁及岐。

傳壺口在冀州，梁岐在雍州，從東循山治水而西。○壺音胡。

既修太原，至于岳陽。

傳高平曰太原，今以為郡名。岳，太岳，在太原西南，山南曰陽。

單懷底績，至于衡漳。

傳單懷，述河地名。漳水橫流，從單懷，故功至橫漳。

單懷底績至于衡漳。

傳單懷近河地名漳水橫流入河從單懷致功至橫漳。

厥土惟白壤。

傳無塊曰壤水去土復其性色白而壤。

厥賦惟上上錯。

傳賦謂土地所生以供天子上上第一錯雜雜出第二之賦。

厥田惟中中。

傳田之高下肥瘠九州之中為第五。

恒衛既從大陸既作。

傳二水已治從其故道大陸之地已可耕作。

烏夷皮服。

傳海曲謂之烏居烏之夷還服其皮明水害除。○鳥當老反。

夾右碣石入于河。

傳碣石海畔山禹夾行此山之右而入河逆上此州帝都不說境界以餘州所至則可知先賦後田亦殊於餘州不言貢篚亦差於餘州。○夾音協註同碣其列反。

濟河惟兗州。

傳東南據濟西北距河。

九河既道。

傳河水分為九道在此州界平原以北是。

雷夏既澤灘沮會同。

雷夏既澤。灘沮會同。

傳雷夏澤名。灘沮二水會同此澤。○灘音邕。

桑土既蠶。是降丘宅土。

傳地高曰丘。大水去民下丘。居平土。就桑蠶。

厥土黑墳。

傳色黑而墳起。

厥草惟繇。厥木惟條。

傳繇茂條長也。

厥田惟中下。

第六

厥賦貞。

傳貞正也。州第九賦正與九相當。

作十有三載乃同。

傳治水十三年乃有賦法與他州同。


厥貢漆絲厥篚織文。

傳地宜漆林又宜桑蠶織文錦綺之屬盛之篚篚而貢焉。○盛音成。

浮于濟。漯。達于河。

傳順流曰浮。濟漯兩水名。因水入水曰達。

海岱惟青州。



海岱惟青州

傳東北據海西南距岱○岱音代

嵎夷既略。濰淄其道。

傳嵎夷地名用功少曰略濰淄二水復其故道○濰音惟

厥土白墳。海濱廣斥。

傳濱涯也言復其斥鹵

厥田惟上下。厥賦中上。

傳田第三賦第四

厥貢鹽絺。海物惟錯。

傳絺細葛錯雜非一種

岱。眈。絲。泉。鉛。松。怪。石。

傳眈谷也怪異好石似王者岱山之谷出此五物皆貢之○眈工犬反泉思似反鉛寅專反

萊夷作牧。

傳萊夷地名可以放牧

厥篚檠絲。

傳檠桑蠶絲中琴瑟弦○檠烏簞反

浮于汶。達于濟。

海岱及淮。惟徐州。



傳東至海北至



海岱及淮惟徐州

傳東至海北至岱南及淮

淮沂其乂蒙羽其藝。

傳二水已治一山已可種藝

大野既豬東原底平。

傳大野澤名水所停曰豬東原致功而平言可耕。○豬張魚反

厥土赤埴墳草木漸包。

傳土黏曰埴漸進長包叢生

厥田惟上中厥賦中中。

傳田第二賦第五

厥貢惟土五色

傳王者封五色土為社，建諸侯，則各割其方色土與之，使立社。燾以黃土，苴以白茅，茅取其潔，黃取王者覆四方。

羽畎夏翟，嶧陽孤桐。

傳夏翟，翟雉名，羽中旌旄。嶧山，山之谷有之，孤，特也。嶧山之陽，特生桐中琴瑟。○夏行雅反，嶧音亦。

泗濱浮磬，淮夷蠙珠暨魚。

傳泗水涯水中見石，可以為磬。蠙珠，珠名，淮夷二水出蠙珠及美魚。○蠙，蒲邊反，暨其器反。

厥篚玄纁，絜。

傳玄，黑纁，縞也。白纁，縞也。縞在中，明二物皆當細。○纁，息斂反，絜，古老反。

浮于淮，泗，達于河。

淮海惟揚州。

淮海惟揚州。

傳北據淮南距海。

彭蠡既豬。陽鳥攸居。

傳彭蠡澤名。隨陽之鳥。鴻雁之屬。冬月所居於此澤。

三江既入。震澤底定。

傳震澤吳南太湖名。言三江已入。致定為震澤。

篠簜既敷。

傳篠竹箭。簜大竹。水去已布生。○篠西了反。簜徒黨反。

厥草惟夭。厥木惟喬。

書經 卷六 夏書禹謨

傳少長曰  
天喬高也。

厥土惟塗泥。

傳地

泉濕。

厥田惟下下。厥賦下上錯。

傳田第九賦第

七雜出第六。

厥貢惟金三品。

傳金銀

銅也。

瑶琨篠簜。

傳瑶琨皆美玉。

瑶音遙琨音昆

齒章羽毛惟木。



齒華羽毛惟木

傳齒象牙華犀皮羽鳥羽毛旄牛尾木梗梓豫章○梗音縵

島夷卉服

傳南海島夷草服葛越○卉許貴反

厥篚織貝

傳織細紵貝水物

厥包橘柚錫貢

傳小曰橘大曰柚其所包裹而致者錫命乃貢言不常○橘均必反柚由究反裹音果

浴于江海達于淮泗



傳順流而下曰浴。浴江入海自海入淮自淮入泗。

### 荆及衡陽惟荊州。

傳北據荊山南及衡山之陽。

### 江漢朝宗于海。


傳二水經此州而入海有似於朝百川以海為宗宗尊也。

### 九江孔殷。

傳江於此州界分為九道甚得地勢之中。

### 沱潛既道。

傳沱江別名潛水名皆復其故道。○沱徒河反。



雲土夢作父

傳雲夢之澤在江南其中有平土丘水去可為耕作畎畝之治

厥土惟塗泥厥田惟下中厥賦上下

傳田第八賦

第三人功修

厥貢羽毛齒革惟金三品

傳土所出

與揚州同

柝榦栝柏

傳榦栝也栝葉松身曰栝

○柝勅倫反栝古活反

礪砥砮丹

傳砥細於礪皆磨石也。斲石中矢鏃丹朱類。○斲音奴。

惟箇箝。楛三邦底貢厥名。

傳箇箝美竹。楛中矢幹。三物皆出雲夢之澤。近澤三國常致貢之。其名天下稱善。○箇求隕反。箝音路。楛音戶。

包。

傳橘。柚。

匭菁茅。

傳匭匣也。菁以爲菹。茅以縮酒。○匭音軌。菁音精。

厥篚玄纁璣組。

傳此州染玄纁色。菁故貢之。璣珠類。生於水。組綬類。○纁許云反。璣其依反。



九江納錫大龜

傳尺二寸曰大龜出於九江水中龜不常用錫命而納之

浮于江沱潛漢逾于洛至于南河

傳逾越也河在冀州南東流故越洛而至南河

荆河惟豫州

傳西南至荆山北距河水

伊洛瀍澗既入于河

傳伊出陸渾山洛出上洛山澗出沔池山瀍出河南北山四水合流而入河○瀍直然反澗故晏反

滎波既豬



傳榮澤波水已成  
遏豬○榮戶扇反

導荷澤被孟豬。

傳荷澤在胡陵孟豬澤名在荷  
東北水流溢覆被之○荷音柯

厥土惟壤下土墳壚。

傳高者壤  
下者墳壚

厥田惟中上厥賦錯上中。

傳田第四賦第  
二又雜出第一

厥貢漆、枲、絺、紵、厥篚織纊。

傳纊細綿○  
纊武延反

錫貢磬錯

錫貢磬錯。

傳治玉石曰

錯治磬錯。

浮于洛。達于河。華陽黑水。惟梁州。

傳東據華山之

南。西距黑水。

岷嶓既藝。沱潛既道。

傳岷山嶓冢皆山名。水去已可種藝。沱潛

發源此州。入荊州。○岷武中反。嶓音波。

蔡蒙旅平。和夷底績。

傳蔡蒙二山名。祭山曰旅。平言

治功異和夷之地。致功可藝。

厥土青黎。

傳色青黑而沃壤

厥田惟下上。厥賦下中三錯。

傳田第七賦第八雜出第七第九三等

厥貢璆鐵銀鏤。磬磬。

傳璆玉名鏤剛鐵。璆音蚪鏤婁豆反

熊羆狐狸織皮。

傳貢四獸之皮織金罽。罽紀例反

西傾因桓是來。浮于潛。逾于沔。

傳西傾山名桓水自西傾山南行因桓水是來浮于潛漢上曰沔

入于渭亂于河

入于渭亂于河

傳越沔而北入渭浮東渡河而還帝都白所治正絕流曰亂○渭音謂

黑水西河惟雍州

傳西距黑水東據河龍門之河在冀州西

弱水既西

傳導之西流至于合黎

涇屬渭汭

傳屬逮也水北曰汭言治涇水入于渭○涇音經

漆沮既從澧水攸同

書經

卷六 夏書禹貢

七

水經

傳漆沮之水已從入渭澧水  
所同同之於渭○澧芳兮反

荆岐既旅。

傳已旅祭言治功畢此  
荆在岐東非荊州之荊

終南惇物至于鳥鼠。

傳三山名  
言相望

原隰底績至于豬野。

傳下濕曰隰豬野  
地名言皆致功

三危既宅三苗丕敘。

傳西裔之山已可居三苗  
之族大有次叙美禹之功

厥土惟黃壤厥田惟上上厥賦中下。



厥土惟黃壤厥田惟上上厥賦中下

傳田第一賦第六人功少

厥貢惟球琳琅玕

傳球琳皆玉名琅玕石而似玉

浮于積石至于龍門西河

傳積石山在金城西南河所經也沿河順流而北千里而東千里而南龍門山在河東之西界

會于涇汭

傳逆流曰會自涇北涯逆水西上

織皮毳毼析支渠搜西戎卽叙

言系 卷一 三

傳織皮毛布有此四國在荒服之外流沙之內羗髻之屬皆就次敘美禹之功及戎狄也○崙魯門反髻音謀又音毛

### 導岍及岐至于荆山

傳更理說所治山川首尾所在治山通水故以山名之三山皆在雍州○岍音牽

### 逾于河

傳此謂梁山龍門西河

### 壺口雷首至于太岳

傳三山在冀州太岳上黨西

### 底柱析城至于王屋

傳此三山在冀州南河之北東行

太行恒山至于碣石入于海





太行恒山至于碣石入于海

傳此二山連延東北接碣石而入滄海百川經此衆山禹皆治之不可勝名故以山言之

西傾朱圜鳥鼠

傳西傾朱圜在積石以東鳥鼠渭水所出在隴西之西三者雍州之南山

至于太華

傳相首尾而東

熊耳外方桐柏至于陪尾

傳四山相連東南在豫州界洛經熊耳伊經外方淮出桐柏經陪尾凡此皆先舉所施功之山於上而後條列所治水於下互

相備

導嶓冢至于荆山。

傳漾水出嶓冢在梁州。經荆山荆山在荊州。

內方至于大別。

傳內方大別二山名在荊州漢所經。

岷山之陽至于衡山。

傳岷山江所出在梁州。衡山江所經在荊州。

過九江至于敷淺原。

傳言衡山連延過九江接敷淺原言導從首起。言陽從南敷淺原一名博陽山在揚州豫章界。

導弱水至于合黎。

傳合黎水名在流沙東。

導赫水至于合黎

傳合黎水名在流沙東

餘波入于流沙

傳弱水餘波西溢入流沙

導黑水至于三危入于南海

傳黑水自北而南經三危過梁州入南海

導河積石至于龍門

傳施功發于積石至于龍門或鑿山或穿地以通流

南至于華陰

傳河自龍門南流至華山北至東行

書經

卷六 夏書禹貢

古

天德堂

東至于底柱。

傳底柱山名河水分流包山而過山見水中若柱然在西號之界

又東至于孟津。

傳孟津地名在洛北都道所湊古今以為津

東過洛汭至于大伾。

傳洛汭洛入河處山再成曰伾至于大伾而北行

北過降水至于大陸。

傳降水水名入河大陸澤名

又北播為九河。

傳北分為九河以

傳北分爲九河以殺其溢在兗州界

同爲逆河入于海

傳同合爲一大河名逆河而入于渤海皆禹所加功故叙之

蟠氣導漾東流爲漢

傳東始出山爲漾水東南流爲沔水至漢中東流爲漢水

又東爲滄浪之水

傳別流在荊州

過三澨至于大別

傳三澨水名入漢大別山名○澨市制反

南入于江。

傳觸山廻

南入江

東匯澤為彭蠡。

傳匯廻也水東廻為彭蠡大澤。○匯胡罪反。

東為北江入于海。

傳自彭蠡江分為三入震澤遂為北江而入海。

岷山導江東別為沱。

傳江東南

流沱東行

又東至于豐。



又東至于豐

傳澧

水名

過九江至于東陵。

傳江分為九道在

荆州東陵地名

東迤北會于匯。

傳迤溢也東溢分流都其

北會為彭蠡○迤以爾反

東為中江入于海。

傳有北有

中南可知

導沅水東流為濟。

傳泉源為沅流去為濟在

温西北平地○沅音竟

書經

卷六 夏書禹貢

六

尺廣堂

入于河溢爲滎。

傳濟水入河並流十數里而南截河又竝流數里溢爲滎澤在敖倉東南

東出于陶丘北。

傳陶丘丘再成

又東至于菏。

傳菏澤之水

又東北會于汶。

傳濟與汶合

又北東入于海。





又北東入于海

傳北折而東

導淮自桐柏

傳桐柏山在南陽之東

東會于泗沂東入于海

傳與四沂二水合入海

導渭自鳥鼠同穴

傳鳥鼠共為雌雄同穴處此山遂名山曰鳥鼠渭水出焉

東會于澧又東會于涇

傳澧水自南涇水自北而合

又東過漆沮入于河。

傳漆沮二水名亦曰洛水出馮翊北

導洛自熊耳。

傳在宜陽之西

東北會于澗瀍。

傳會于河南城南

又東會于伊。

傳合於洛陽之南

又東北入于河。



傳合於洛陽之南

又東北入于河

傳合於輦之東

九州攸同。

傳所同事在下

四隩既宅。

傳四方之宅已可居。○隩於六反

九山刊旅。九川滌源。九澤既陂。

傳九州名山已槎木通道而旅祭矣。九州之川已滌除泉源無壅塞矣。九州之澤已陂障無決溢矣。

四海會同。六府孔修。

傳四海之內會同于京師。九州同風萬國共貫。水火金木土穀甚修。治言政化和。

書經

卷六 夏書禹貢

六

禹貢

庶土交正底慎財賦。

傳交俱也衆土俱得其正謂壤墳壚致所慎者財貨貢賦言取之有節不過度

咸則三壤成賦中邦。

傳皆法壤田上中下大較三品成九州之賦明水害除

錫土姓祇台德先不距朕行。

傳台我也天子建德因生以賜姓謂有德之人生此地以此地名賜之姓以顯之王者常自以敬我德為先則天下無距違我者

五百里甸服。

傳規方千里之內謂之甸服為天子服治田去至城面五百里

百里賦納總

百里賦納總

傳甸服內之百里近王城者  
禾稟曰總入之供飼國馬

二百里納銓

傳銓刈  
謂禾穗

三百里納秸服

傳秸稟也服稟役  
秸本或作稽工八反

四百里粟五百里米

傳所納精者  
少麤者多

五百里侯服

傳甸服外之五百里  
侯侯也斥侯而事服

### 百里采

傳侯服內之百里供  
王事而已不主

### 二百里男邦

傳男任也  
任王者事

### 三百里諸侯

傳三百里同為王者  
斥侯故合三為一名

### 五百里綏服

傳綏安也侯服外之五  
百里安服王者之政教

### 三百里揆文教



三百里揆文教

傳揆度也度王者文教而行之三百里皆同

二百里奮武衛

傳文教外之二百里奮武衛天子所以安

五百里要服

傳綏服外之五百里要束以文教

三百里夷

傳守平常之教事王者而已

二百里蔡



傳蔡法也法三百里而差簡

### 五百里荒服

傳要服外之五百里言荒又簡略

### 三百里蠻

傳以文德蠻來之不制以法

### 二百里流

傳流移也言政教隨其俗凡五服相距為方五千里

東漸于海西被于流沙朔南暨聲教

傳漸入也被及也此言五服之外皆與王者聲教而朝見

訖于四海禹錫玄圭告厥成功





訖于四海禹錫玄圭告厥成功

傳玄天色禹功盡加於四海故堯賜玄圭以彰顯之言天功成



書經卷六

終

卷六 夏書禹貢

三

禹貢



書經卷七

漢 諫大夫魯孔安國傳

夏書

甘誓第二

啓與有扈戰于甘之野。作甘誓。傳夏啓嗣禹位，伐有扈之罪。

甘誓。傳甘，有扈郊地名。將戰先誓。

大戰于甘。乃召六卿。

傳天子六軍其將皆命卿。將子匠反。

王曰：嗟！六事之人。

傳各有軍士，故曰六事。

予誓告汝。有扈氏威侮五行，怠棄三正。

傳五行之德，王者相承所取法，有扈與夏同姓，恃親而不恭，是則威虐侮慢五行，怠惰棄廢天地人之正道，言亂常。

天用勦絕其命。

傳用其失道，故勦截也。截，絕，謂滅之。○勦，子六反。

今予惟恭行天之罰。

傳恭，奉也。言欲截絕之。

左不攻于左，汝不恭命。

傳左，車左，左方主射絕之也。治其職。

右不攻于右，汝不恭命。

右不攻于右汝不恭命

傳右車右勇力之士執戈矛以退敵

御非其馬之正汝不恭命

傳御以正馬為政三者有失皆不奉我命

用命賞于祖

傳天子親征必載遷廟之祖主行有功則賞祖主前示不專

弗用命戮于社

傳天子親征又載社主謂之社事不用命奔北者則戮之於社主前社主陰陰主殺親祖嚴社之義

予則孥戮汝

言糸 卷一 二 天懷堂

傳祭子也非但止汝身辱及汝子言耻累也

夏書

五子之歌第三

太康失邦傳啓子也盤于遊田不恤民事為羿所逐不得反國昆弟五人須于洛汭作五

子之歌傳大康五弟與其母待太康洛水之北怨其不反故作歌

五子之歌傳啓之五子因以名篇

太康尸位以逸豫

傳尸主也主以尊位為逸豫不勤

滅厥德黎民咸貳

傳君喪其德則黎民皆二心矣

傳君喪其德則  
衆民皆二心矣。

乃盤遊無度。

傳盤樂遊  
逸無法度。

畋于有洛之表十旬弗反。

傳洛水之表水之南十日曰旬。  
田獵過百日不還。○畋音田。

有窮后羿因民弗忍距于河。

傳有窮國名羿諸侯名距太  
康於河不得入國遂廢之。

厥弟五人御其母以從。

傳御侍也。  
言從畋。





子視天下愚夫愚婦。一能勝予。

傳言能畏敬小民所以得衆心。

一人三失怨豈在明不見是圖。

傳三失過非一也。不見是謀備其微。

予臨兆民。慄乎若朽索之馭六馬。

傳十萬曰億。十億曰兆。言多。慄危貌。朽腐也。腐索馭六馬。言危懼甚。

爲人上者。柰何不敬。

傳能敬則不驕。在上不驕則高而不危。

其二曰。訓有之。內作色。荒外作禽荒。

傳作爲也。迷亂曰荒。色。女色。禽。鳥獸。

甘酒嗜音。峻宇彫牆。

傳甘嗜無厭足，峻高大彫飾盡。

有一于此，或不一于此。

傳此六者，棄德之君，必有一，有一必亡，况兼有乎。

其三曰：惟彼陶唐，有此冀方。

傳陶唐帝堯氏都冀州，統天下四方。

今失厥道，亂其紀綱，乃底滅亡。

傳言失堯之道亂其法制，自致滅亡。

其四曰：明明我祖，萬邦之君。有典有則，貽厥子孫。

傳君萬國為天子，典謂經籍。

其四曰明明我祖萬邦之君有典有則貽厥子孫

傳君萬國為天子典謂經籍則法貽遺也言仁及後世

關石和鈞王府則有荒墜厥緒覆宗絕祀

傳金鐵曰石供民器用通之使和平則官民足言古制存而太康失其業以取亡○覆芳服反

其五曰嗚呼曷歸予懷之悲

傳易何也言思而悲

萬姓仇予予將疇依

傳仇怨也言當依誰以復國乎

鬱陶乎予心顏厚有忸怩

傳鬱陶言哀思也顏厚色愧忸怩心慙慙愧於仁人賢士

書經

卷七 夏書五子

五

永懷堂

弗慎厥德。雖悔可追。

傳言人君行已不慎其德以速滅敗雖欲改悔其可追及乎言無益

夏書

胤征第四

羲和湎淫廢時亂曰

傳羲氏和氏世掌天地四時之官自唐虞至三代世職不絕承太康之後沈湎於酒

過差非度廢天時亂甲乙

胤往征之作胤征

傳胤國之君受王命往征之

胤征

傳奉辭罰罪曰征

惟仲康肇位四海。

傳羿廢太康而立其弟仲康為天子

胤侯命掌六師

胤侯命掌六師。

傳仲康命胤侯掌王六師為大司馬

羲和廢厥職，酒荒于厥邑。

傳舍其職官，還其私邑，以酒迷亂，不修其業。

胤后承王命，徂征。

傳徂，往也。就其私邑往討之。

告于眾曰：嗟，予有眾。

傳誓勅之。

聖有謨訓，明徵定保。

傳徵證保安也聖人所謀之教訓為世明證所以定國安家

先王克謹天戒臣人克有常憲

傳言君能慎戒

臣能奉有常法

百官修輔厥后惟明明

傳修職輔君

君臣俱明

每歲孟春適人以木鐸徇于路

傳適人宣令之官木鐸金鈴木舌

所以振文教○適在由反鈴音令

官師相規工執藝事以諫

傳官眾官更相規闕百工各

執其所治技藝以諫諫失常

其或不恭邦有常刑

其或不恭，邦有常刑。

傳言百官廢

職服大刑

惟時羲和顛覆厥德。

傳顛覆言反倒將陳羲和所犯故先舉孟春之令犯令之誅

沈亂于酒，畔官離次。

傳沈謂醉冥

失次位也

傲擾天紀，遐棄厥司。

傳傲始擾亂遐遠也紀謂時日司所主也○傲尺六反

乃季秋月朔，辰弗集于房。

傳辰日月所會房所舍之次  
集合也不合即日食可知

瞽奏鼓。舂夫馳。庶人走。

傳凡日食天子伐鼓於社責上公瞽樂官樂官進鼓則伐之舂  
夫主幣之官馳取幣禮天神衆人走供救日食之百役也。○音

色音

羲和尸厥官。罔聞知。

傳主其官而無聞知於  
日食之變異所以異重

昏迷于天象。以干先王之誅。

傳闇錯天象言昏  
亂之甚于犯也

政典曰。先時者殺無赦。

傳政典夏后爲政之典籍若周官六卿之治典先時謂曆象之  
法四時節氣法望每朔先時則罪死無赦。○先采薦反



政典曰先時者殺無赦。

傳政典夏后為政之典籍若周官六卿之治典先時謂曆象之法四時節氣弦望晦朔先天時則罪死無赦。○先悉薦反。

不及時者殺無赦。

傳不及謂曆象後天時雖治其官苟有先後之差則無赦况廢官乎

今予以爾有眾奉將天罰。

傳將行也奉王命行王誅謂殺涵淫之身立其賢子弟

爾眾士同力王室尚弼予欽承天子威命。

傳以天子威命督其士眾使用命

火炎崑岡玉石俱焚。

傳山脊曰岡崑山出玉言火逸而害玉

天吏逸德烈于猛火。

傳逸過也。天王之吏為過惡之德，其傷害天下，甚於火之害玉，猛火烈矣，又烈於火。

殲厥渠魁，脅從罔治。

傳殲滅渠大魁帥也，指謂義和罪人之身，其脅從距王師者皆無治。

舊染汙俗，咸與惟新。

傳言其餘人久染汙俗，本無惡心，皆與更新，無所問。

嗚呼，威克厥愛，允濟。

傳歎能以威勝所愛，則必有成功。

愛克厥威，允罔功。

傳以愛勝威，無功。

愛克厥威允罔功

傳以愛勝威無以濟衆信無功

其爾衆士懋戒哉

傳言當勉以用命戒以辟戮

自契至于成湯八遷

傳十四世凡八徙國都

湯始居亳從先王居

傳契父帝嚳都

亳湯自商丘遷焉故曰從先王居

作帝告釐沃

傳告來居洽沃土二篇皆亡

湯征諸侯

傳爲夏方伯得專征伐

葛伯不祀湯始征之

傳葛國伯爵也廢之土地山川及宗

廟神祇皆不祀湯始伐之伐始於葛作湯征傳述始征之義也亡

伊尹去亳適夏

傳伊尹字氏湯進於桀

既醜有夏復歸于亳

傳醜惡其政不能用賢故

退入自北門乃遇汝鳩汝方

傳鳩方二人湯之賢臣不期而會曰遇

作汝鳩汝方

傳言所以醜夏而還之意二篇皆亡



其爾及之...

七終

書經卷八

漢 諫大夫魯孔安國傳

商書

湯誓第一

伊尹相湯伐桀升自陞傳桀都安邑湯升道從陞出其不意陞在河曲之南遂與桀戰于

鳴條之野傳地在安邑之西桀逆拒湯作湯誓

湯誓傳戒誓湯士衆

王曰格爾眾庶悉聽朕言

傳契始封商湯遂以為天下號湯稱王則比桀於一夫

非台小子敢行稱亂有夏多罪天命殛之。

傳稱舉也舉亂以諸侯伐天子非我小子敢行此事桀有昏德天命誅之今順天○台以之反下同

今爾有衆汝曰我后不恤我衆舍我穡事而割正夏。

傳汝汝有衆我后桀也正改也言奪民農功而為割剝之政

予惟聞汝衆言。

傳不憂我衆之言

夏氏有罪予畏上帝不敢不正。

傳不敢不正桀罪誅之

今汝其曰夏罪其如台。

傳今汝其復言桀惡

今汝其曰夏罪其如台

傳今汝其復言桀惡其亦如我所聞之言

夏王率遏眾力率割夏邑

傳言桀君臣相率為勞役之事以絕眾力謂廢農功相率割剝夏之邑居謂征賦重

有眾率怠弗協曰時日曷喪予及汝皆亡

傳眾下相率為怠惰不與上和合比桀於日曰是日何時喪我與汝俱亡欲殺身以喪桀

夏德若茲今朕必往

傳凶德如此我必往誅之

爾尚輔予一人致天之罰予其大賚汝

傳賚與也汝庶幾輔成我我大與汝爵賞

書經

卷八 商書湯誓

二

永懷堂

爾無不信。朕不食言。

傳食盡其

言僞不實

爾不從誓言。

傳不

用命

予則孥戮汝。罔有攸赦。

傳古之用刑。父子兄弟罪不相及。今云孥戮汝。無有所赦。權以脅之。使勿犯。

湯既勝夏。欲遷其社。不可。

傳湯承堯舜禪代之後。順天應人。逆取順守。而有慙德。故革命創制。改正

易服。變置社稷。而後世無及。句龍者。故不可而止。

作夏社。疑至。臣扈。

傳言夏社不可遷之。義疑至及臣扈

三篇

皆亡

夏師敗績。湯遂從之。

傳太廟曰敗績。從謂遂討之。

遂伐三腹。俘厥寶玉。

傳三二



夏師敗績湯遂從之

傳太崩曰敗績從謂遂討之

遂伐三朥俘厥寶玉

傳三朥國

名桀走保之今定陶也桀自安邑東入山出太行東南涉河湯緩追之不迫遂奔南巢俘取也玉以禮神使無水旱之災故取而寶之○

誼伯仲伯作典寶

傳二臣作典寶一篇言國之常寶也亡

### 商書

#### 仲虺之誥第二

湯歸自夏至于大坰

傳自三朥而還大坰地名

仲虺作誥

傳為湯左相奚仲之後

仲虺之誥

傳仲虺臣名以諸侯相天子會同曰誥

成湯放桀于南巢惟有慙德

傳湯伐桀武功成故以為號南巢地名有慙德慙德不及古

曰。子恐來世以台爲口實。

傳恐來世論道我放天子常不去口

仲虺乃作誥。

傳陳義誥

湯可無慙

曰。嗚呼。惟天生民有欲。無主乃亂。

傳民無君主則恣情欲必致禍亂

惟天生聰明時乂。

傳言天生聰明是治民亂

有夏昏德。民墜塗炭。

傳夏桀昏亂不恤下民民之墜塗炭者

言系  
九ノ  
三  
刃價堂

夏曆昏德民隊塗炭

傳夏桀昏亂不恤下民民之  
危險若陷泥墜火無救之者

天乃錫王勇智表正萬邦纘禹舊服。

傳言天與王勇智應為民主儀表天  
下法正萬國繼禹之功統其故服

茲率厥典奉若天命。

傳天意如此但當循其典  
法奉順天命而已無所慙

夏王有罪矯誣上天以布命于下。

傳言託天以行虐  
於民乃桀之大罪

帝用不臧式商受命用爽厥師。

傳天用桀無道故不善之式用爽明  
也用商受王命用明其眾言為主也

書經

卷八 商書仲虺之誥

四

永懷堂

簡賢附勢。寔繁有徒。

傳簡略也。賢而無勢則略之。不賢有勢則附之。若是者繁多有徒衆。無道之世所常。○繁音煩。

肇我邦于有夏。若苗之有莠。若粟之有秕。

傳始我商家國於夏世。欲見翦除。若莠生苗。若秕在粟。恐被鋤治。簸颺。○簸彼我反。

小大戰戰。罔不懼于非辜。矧予之德言足聽聞。

傳言商家小大憂危。恐其非罪見滅。矧况也。况我之道德善言足聽聞乎。無道之惡。有道理自然理。

惟王不邇聲色。不殖貨利。

傳邇近也。不近聲樂言清簡。不近女色言貞固。殖生也。不生資貨財利言不貪也。既有聖德兼有此行。

德懋懋官。功懋懋賞。用人惟己。改過不吝。

傳懋勉於德者則勉之。以官。勉於功者則勉之。以賞。用人惟己。若自己出。有過則改。無所吝惜。所以能成王業。

德懋懋官功懋懋賞用人惟已改過不吝

傳勉於德者則勉之以官勉於功者則勉之以賞用人之言若自己出有過則改無所吝惜所以能成王業

克寬克仁彰信兆民

傳言湯寬仁之

德明信於天下

乃葛伯仇餉初征自葛東征西夷怨南征北狄怨

傳葛伯遊行見農民之餉於田者殺其人奪其餉故謂之仇餉仇怨也湯為是以不祀之罪伐之從此後遂征無道西夷北狄

舉遠以言則近者著矣

曰奚獨後予

傳怨者辭也

攸徂之民室家相慶曰奚予后后來其蘇

傳湯所往之民皆喜曰待我君來其可蘇息

民之戴商厥惟舊哉。

傳舊謂初

征自葛時

佑賢輔德顯忠遂良。

傳賢則助之德則輔之忠則

顯之良則進之明王之道

兼弱攻昧取亂侮亡。

傳弱則兼之闇則攻之亂則

取之有亡形則侮之言正義

推亡固存邦乃其昌。

傳有亡道則推而亡之有存道則輔而

固之王者如此國乃昌盛○推土雷反

德日新萬邦惟懷志自滿九族乃離

德日新萬邦惟懷志自滿九族乃離

傳日新不懈怠自滿志盈溢

王懋昭大德建中于民以義制事以禮制心垂裕後昆

傳欲王自勉明大德立大中之道於民率義奉禮垂優足之道示後世

子聞曰能自得師者王

傳求賢聖而事之

謂人莫已若者亡

傳自多足人莫之益亡之道

好問則裕自用則小



傳問則有得所以足不問專固所以小

嗚呼慎厥終惟其始

傳靡不有初鮮克有終故戒慎終如其始

殖有禮覆昏暴

傳有禮者封殖之昏暴者覆亡之暴蒲報反字或作薮

欽崇天道永保天命

傳王者如此上事則敬天安命之道

商書

湯誥第三

湯既黜夏命傳黜退也復歸于亳作湯誥



湯既黜夏命傳黜退也復歸于亳作湯誥

湯誥傳以伐桀大義告天下

王歸自克夏至于亳誕告萬方

傳誕大也以天命大義告萬方之衆人。○誕音但告工毒反

王曰嗟爾萬方有衆明聽予一人誥

傳天子自稱曰予一人古今同義

惟皇上帝降衷于下民

傳皇天上帝天也衷善也

若有恒性克綏厥猷惟后

傳順人有常之性能安立其道教則惟為君之道

夏王滅德作威以敷虐于爾萬方百姓。

傳夏桀滅道德作威刑以布行虐政於天下百官言殘酷

爾萬方百姓懼其凶害弗忍荼毒。

傳懼被荼毒苦也不能堪忍虐之甚○懼力之反荼音徒

竝告無辜于上下神祇。

傳言百姓兆民並告無罪稱冤訴天地

天道福善禍淫降災于夏以彰厥罪。

傳政善天福之淫過天禍之故下災異以明桀罪惡譴寤之而桀不改○譴遣戰反

肆台小子將天命明威不敢放

肆台小子將天命明威不敢赦

傳行天威謂誅之。○台音怡

敢用玄牡敢昭告于上天神后請罪有夏

傳明告天問桀百姓有何罪而加虐乎

聿求元聖與之戮力以與爾有衆請命

傳聿遂也大聖陳力謂伊尹放桀除民之穢是請命

上天孚佑下民罪人黜伏

傳孚信也天信佑助下民桀知其罪退伏遠屏

天命弗僭賁若草木兆民允殖

傳僭差賁飾也。言福善禍淫之道不差。天下惡除。燠然咸飾。若草木同華。民信樂生。

俾予一人輯寧爾邦家。

傳言天使我輯安汝國家國諸侯家卿大夫。

茲朕未知獲戾于上下。

傳此伐桀未知得罪於天地。謙以求衆心。

慄慄危懼。若將隕于深淵。

傳慄慄危心。若墜深淵。危懼之甚。隕于斂反。

凡我造邦。無從匪彝。無卽愒淫。

傳戒諸侯與之更始。彝常愒慢也。無從非常。無就慢過禁之。

各守爾典以承天休。

各守爾典以承天休。

傳守其常法

承天美道

爾有善。朕弗敢蔽。罪當朕躬。弗敢自赦。惟簡在上帝之心。

傳所以不蔽善人。不赦已

罪以其簡在天心故也。

其爾萬方有罪。在予一人。

傳自責

化不至

予一人有罪。無以爾萬方。

傳無用爾萬

方。言非所及。

嗚呼。尚克時忱。乃亦有終。

傳忱誠也庶幾能是誠道乃亦有終世之美

咎單作明居

傳咎單臣名主土地之官作明居民法一篇亡○單音善

商書

伊訓第四

成湯既沒太甲元年

傳太甲太丁子湯孫也太丁未立而卒及湯沒而太甲立稱元年

伊尹作

伊訓肆命祖后

傳凡三篇其二

伊訓

傳作訓以教道太甲

惟元祀十有二月乙丑伊尹祠于先王

傳此湯崩踰月太

甲即位奠殯而告

奉祠王祇見厥祖

奉嗣王祇見厥祖。

傳居位

主喪

侯甸羣后咸在。

傳在

位次

百官總已以聽冢宰。

傳伊尹制百官

以三公攝冢宰

伊尹乃明言烈祖之成德以訓于王。

傳湯有功烈

之祖故稱焉

曰嗚呼古有夏先后方懋厥德罔有天災。

傳先君謂禹以下少康以上賢王言能以德禳災

山川鬼神亦莫不寧

傳莫無也言皆安之

暨鳥獸魚鼈咸若

傳雖微物皆順之明其餘無不順暨具器反

于其子孫弗率皇天降災假手于我有命

傳言桀不循其祖道故天下禍災借手於我有命商王誅討之

造攻自鳴條朕哉自亳

傳造哉皆始也始攻桀伐無道由我始修德于亳

惟我商王布昭聖武代虐以寬兆民允懷



惟我商王布昭聖武代虐以寬兆民允懷

傳言湯布明武德以寬政代桀虐政兆民以此皆信懷我商王之德

今王嗣厥德罔不在初

傳言善惡之由無不在初欲其慎始

立愛惟親立敬惟長始于家邦終于四海

傳言立愛敬之道始於親長則家國並化終治四海

嗚呼先王肇修人紀從諫弗拂先民時若

傳言湯始修為人綱紀有過則改從諫如流必先民之言是順○拂扶弗反

居上克明

傳言  
理恕

為下克忠。

傳事上

竭誠

與人不求備。檢身若不及。

傳使人必器之常  
如不及恐有過

以至于有萬邦。茲惟艱哉。

傳言湯操心常危懼動而無  
過以至於為天子此自立之難

敷求哲人。俾輔于爾後嗣。

傳布求賢智使師輔於爾嗣王言仁  
及後世。○哲本又作喆俾必爾反

制官刑。徹于有位。

制官刑傲于有位。

傳言湯制治官刑

法以儆戒百官。

曰敢有恒舞于宮。酣歌于室。時謂巫風。

傳常舞則荒淫。樂酒曰酣。酣歌

則廢德事。鬼神曰巫。言無政。

敢有殉于貨色。恒于遊畋。時謂淫風。

傳殉求也。昧求財貨美色。常

遊戲畋獵是淫過之風俗。

敢有侮聖言。逆忠直。遠耆德。比頑童。時謂亂風。

傳狎侮聖人之言而不行。拒逆忠直之規而不納。耆

年有德。疏遠之。童稚頑嚚。親比之。是荒亂之風俗。

惟茲三風。十愆。卿士有一于身。家必喪。

傳有一過則德義廢失位亡家之道

邦君有一于身國必亡。

傳諸侯犯此國亡之道

臣下不匡其刑墨具訓于蒙士。

傳邦君卿士則以爭臣自匡正臣不正君服墨刑鑿其額涅以墨蒙士例謂下士士以爭友僕隸自匡正

嗚呼嗣王祗厥身念哉。

傳言當敬身念祖德

聖謨洋洋嘉言孔彰。

傳洋洋美善言甚明可法

惟上帝不常作善降之百祥作不善降之百殃

惟上帝不常。作善降之百祥。作不善降之百殃。

傳祥善也。天之禍福。惟善惡所在。不常在一家。

爾惟德罔小。萬邦惟慶。

傳修德無小。則天下資慶。

爾惟不德。罔大墜厥宗。

傳苟為不德。無大言惡有類。以類相致。必墜失宗廟。此伊尹至忠之訓。

肆命傳陳天命以戒太甲亡。

徂后傳陳往古明君以戒亡。

商書

太甲上第五

太甲既立不明

傳不用伊尹之訓不明居喪之禮

伊尹放諸桐

傳湯葬地也。不知朝政故曰放

三年復歸于亳思庸

傳念常道

伊尹作太甲三篇

太甲

傳戒大甲故以各篇

惟嗣王不惠于阿衡

傳阿倚衡平言不順伊尹之訓

伊尹作書曰先王顧諟天之明命以承上下神祇

傳顧謂常日在之諟是也言敬奉天命以承順天地

社稷宗廟罔不祗肅

傳肅嚴也言能嚴

祀稷宗廟罔不祗肅

傳肅嚴也言能嚴敬鬼神而遠之

天監厥德用集大命撫綏萬方

傳監視也天視湯德集王命於其身撫安天下

惟尹躬克左右厥辟宅師

傳伊尹言能助其君居業天下之衆

肆嗣王丕承基緒

傳肆故也言先祖勤德致有天下故子孫得大承基業宜念祖修德

惟尹躬先見于西邑夏自周有終相亦惟終

傳周忠信也言身先見夏君臣用忠信有終夏都在亳西

其後嗣王罔克有終相亦罔終。

傳言桀君臣滅先人之道德不能終其業以取亡。

嗣王戒哉祇爾厥辟辟不辟忝厥祖。

傳以不終為戒慎之至敬其君道則能終忝辱也為君不君則辱其祖。

王惟庸罔念聞。

傳言太甲守常不改無念聞伊尹之戒。

伊尹乃言曰先王昧爽丕顯坐以待旦。

傳爽顯皆明也言先王昧明思大明其德坐以待旦而行之。

旁求俊彥啓迪後人。

傳旁非一方美士曰俊彥道後人皆謂成。



旁求俊彦啓建後人

傳旁非一方美士曰彦開道後人言訓戒

無越厥命以自覆

傳越墜失也無失亡祖命而不勤德以自顛覆

慎乃儉德惟懷永圖

傳言當以儉為德思長世之謀

若虞機張往省括于度則釋

傳機弩牙也虞度也度機機有度以準望言修德夙夜思之明且行之如射先省矢括于度釋則中

欽厥止率乃祖攸行

傳止謂行所安止君止於仁子止於孝

書經

卷八 商書太甲

七

承襲堂

惟朕以懌萬世有辭。

傳言能循汝祖所行則我喜悅王亦見嘆美無窮。

王未克變。

傳未能變不用訓太甲性輕脫伊尹至忠所以不已。

伊尹曰茲乃不義習與性成。

傳言習行不義將成其性。○義本亦作誼。

予弗狎于弗順。營于桐宮。密邇先王其訓。無俾世迷。

傳狎近也。經營桐墓立宮。令太甲居之。近先王則訓於義無成其過不使世人迷惑怪之。

王徂桐宮居憂。

傳徂往入桐宮。

王祖桐宮居憂

傳往入桐宮居憂位

克終允德

傳言能思念其祖終其信德

商書

太甲中第六

惟三祀十有二月朔

傳湯以元年十一月崩至此二十六月三年服闋

伊尹以冕服奉嗣王歸于亳

傳冕冠也踰月即吉服

書經

卷八 商書太甲

六

永懷堂

作書曰。民非后。罔克胥匡以生。

傳無能相匡，故須君以生。

后非民罔以辟四方。

傳須民以君四方。

皇天眷佑有商。俾嗣王克終厥德。實萬世無疆之休。

傳言王能終其德，乃天之顧佑商家，是商家萬世無窮之美。

王拜手稽首曰。予小子不明于德。自底不類。

傳君而稽首於臣，謝前過類善也。闇於德，故自致不善。

欲敗度。縱敗禮。以速戾于厥躬。

傳速召也。言已放縱情欲，毀敗禮義，法度以召罪於其身。

欲敗度縱敗禮以速戾于厥躬。

傳速召也。言已放縱情欲毀敗禮儀法度以召罪於其身。

天作孽猶可違。自作孽不可逭。

傳孽災。逭逃也。言天災可避。自作災不可逃。○逭胡亂反。

既往背師保之訓。弗克于厥初。尚賴匡救之德。圖惟厥終。

傳言已已往之前不能修德於其初。今庶幾賴教訓之德謀終於善悔過之辭。

伊尹拜手稽首。

傳拜手首至手。

曰。修厥身。允德協于下。惟明后。

傳言修其身使信德合於羣下。惟乃明君。

先王子惠困窮民服厥命罔有不悅。

傳言湯子愛困窮之人使皆得其  
所故民心服其教令無有不忻喜

竝其有邦厥鄰乃曰俟我后后來無罰。

傳湯俱與鄰並有國鄰國人乃曰待  
我君來言忻戴君來無罰言仁惠

王懋乃德視乃厥祖無時豫怠。

傳言當勉修其德法視其祖  
而行之無為是逸豫怠惰

奉先思孝接下思恭。

傳以念祖德為孝  
以不驕慢為恭

視遠惟明聽德惟聰。

傳言當以明視  
遠以聰聽德惟聰

傳言當以明視  
遠以聰聽德

朕承王之休無斃。

傳王所行如此則  
我承王之美無斃

商書

太甲下第七

伊尹申誥于王曰。嗚呼。惟天無親。克敬惟親。

傳言天於人。無有親  
疎。惟親能敬身者。

民罔常懷。懷于有仁。

傳民所歸無常。  
以仁政為常。

鬼神無常享。享于克誠。

傳言鬼神不係一人，能誠信者，則享其祀。

天位艱哉。

傳言居天子之位難，以此三者。

德惟治，否德亂。

傳為政以德則治，不以德則亂。

與治同道，罔不興；與亂同事，罔不亡。

傳言安危在所任，治亂在所法。

終始慎厥與，惟明明后。

傳言明慎其所與，治亂



終始慎厥與惟明明后。

傳明慎其所與治亂之機則為明王明君。

先王惟時懋敬厥德克配上帝。

傳言湯惟是終始所與之難勉修其德能配天而行之。

今王嗣有令緒尚監茲哉。

傳令善也繼祖善業當夙夜庶幾視祖此配天之德而法之。

若升高必自下若涉遐必自邇。

傳言善政有漸如登高升遠必用下近為始然後終致高遠。

無輕民事惟難。

傳無輕為力役之事必重難之乃可。

無安厥位惟危。

傳言當常自危懼以保其位。

慎終于始。

傳於始慮終於終思始。

有言逆于汝心必求諸道。

傳人以言拂違汝心必以道義求其意勿拒逆之。

有言遜于汝志必求諸非道。

傳遜順也言順汝心必以非道察之勿以自藏。

嗚呼弗慮胡獲弗為胡成一人元良萬邦以貞。

傳胡何貞正也言當念慮道德則得道德念為善政則成善政一人天子有大善則天下得其正。

言終  
卷八  
五  
五  
五

傳胡何貞正也言常念慮道德則得道德念為善政則成善政一人天子天子有大善則天下得其正

君罔以辯言亂舊政

傳利口覆國家故特慎焉

臣罔以寵利居成功

傳成功不退其志無限故為之極以安之

邦其永孚于休

傳言君臣各以其道則國長信保於美

商書

咸有一德第八

書經

卷八 商書咸有一德

三

天壤

伊尹作咸有一德。傳言君臣皆有純一之德以戒太甲。

咸有一德。傳即政之後恐其不一故以戒之。

伊尹既復政厥辟。

傳還政太甲。

將告歸乃陳戒于德。

傳告老歸邑陳德以戒。

嗚呼天難諶命靡常。

傳以其無常故難信。○諶市林反。

常厥德保厥位厥德匪常九有以亡。

傳人能常其德則安其位九有諸侯不能常其德易伐而兼之。

帝厥德保厥位厥德匪常九有以亡。  
傳人能常其德則安其位九有諸侯桀不能常其德湯伐而兼之。

夏王弗克庸德慢神虐民。

傳言桀不能常其德不敬神明不恤下民。

皇天弗保監于萬方啓迪有命。

傳言天不安桀所為廣視萬方有天命者開道之。

眷求一德俾作神主。

傳天求一德使伐桀為天地神祇之主。

惟尹躬暨湯咸有一德克享天心受天明命。

傳享當也所征無敵謂之受天命。

以有九有之師。爰革夏正。

傳爰於也。於得九有之衆。遂伐夏。勝之。改其正。

非天私我有商。惟天佑于一德。

傳非天私商而王之。佑助一德。所以王。

非商求于下民。惟民歸于一德。

傳非商以力求民。民自歸于一德。

德惟一。動罔不吉。德二三。動罔不凶。

傳二三。言不一。

惟吉。凶不僭。在人。惟天降災祥。在德。

傳行善則吉。行惡則凶。是不差德。一

惟吉凶不僭在人惟天降災祥在德

傳行善則吉行惡則凶是不差德一天降之善不一天降之災是在德

今嗣王新服厥命惟新厥德

傳其命王命新其德戒勿怠

終始惟一時乃日新

傳言德行終始不衰殺是乃日新之義

任官惟賢材左右惟其人

傳官賢才而任之非賢才不可任選左右必忠良不忠良非其人

臣爲上爲德爲下爲民

傳言臣奉上布德順下訓民不可官所私任非其人

其難其慎。惟和惟一。

傳其難無以為易其慎無以輕之。羣臣當和一心以事君政乃善。

德無常師。主善為師。

傳德非一方以善為主乃可師。

善無常主。協于克。


傳言以合於能一為常德。

俾萬姓咸曰。大哉王言。

傳一德之言故曰大。

又曰。一哉王心。

傳能一德。





傳能一德  
則一心

克綏先王之祿永底烝民之生。

傳言為王而令萬姓如此則能保安先王之寵祿長致眾民所以自生之道是明王之事

嗚呼七世之廟可以觀德。

傳天子立七廟有德之王則為祖宗其廟不毀故可觀德

萬夫之長可以觀政。

傳能整齊萬夫其政可知

后非民罔使民非后罔事。

傳君以使民自尊民以事君自生

無自廣以狹人匹夫匹婦不獲自盡民主罔與成厥功。

傳上有狹人之心則下無所自盡矣言先盡其心然後乃能盡其力人君所以成功。

沃丁既葬伊尹于亳

傳沃丁太甲子伊尹既致仕老終以二公禮葬

咎單遂訓伊尹事。

傳訓暢其所行功德之事

作沃丁

傳咎單忠臣名作此篇以戒也亡。

伊陟相太戊

傳伊陟伊尹子太戊沃丁弟之子

亳有祥桑穀共生于朝

傳祥妖怪二木

合生七日大拱不恭之罰

伊陟贊于巫咸作咸又四篇

傳贊告也巫咸臣名皆亡。

大戊贊于伊陟

傳告以改過自新

作伊陟原命

傳原臣名原命伊陟三篇皆亡。

仲丁遷于囿

傳太戊子去亳囿地名

作仲丁

傳陳遷都之義亡。

河亶甲居相

傳仲丁弟相地名在河北

作河亶甲

傳亡。

祖乙圮于耿

傳亶甲子圮於相遷作祖乙

河實甲居相傳地名在河北作河實甲傳

祖乙圮于耿傳實甲子圮於相遷於耿河水所毀曰圮作祖乙傳



書經卷八終

卷八商書咸有一德

旨

依履堂



書經卷九

漢 諫大夫魯孔安國傳

商書

盤庚上第九

盤庚五遷將治亳殷

傳自湯至盤庚凡五遷都盤庚治亳殷

民咨胥怨

傳胥相也民不欲徙

乃咨嗟憂愁相與怨上

作盤庚三篇

盤庚

傳盤庚殷王名殷質以名篇

盤庚遷于殷

傳亳之

別名

民不適有居。

傳適之也，不欲之，殷有邑居。

率籲衆慙，出矢言。

傳籲和也，率，和衆憂之人。出正直之言。○籲音喻。

曰：我王來，既爰宅于茲。

傳我王祖乙居耿，爰於也，言祖乙已居於此。

重我民，無盡劉。

傳劉殺也，所以遷此。重我民，無欲盡殺，故。

不能胥匡以生，卜稽曰：其如台。

傳言民不能相匡以生，則當卜。

不能胥國以生卜稽曰其如台

傳言民不能相匡以生則當卜考於龜以徙曰其如我所行

先王有服恪謹天命茲猶不常寧

傳先王有所服行敬謹天命如此尚不常安有可遷輒遷

不常厥邑于今五邦

傳湯遷亳仲丁遷囂河亶甲居相祖乙居耿我往居亳凡五徙國都

今不承于古罔知天之斷命

傳今不承古而徙是無知天將斷絕汝命

矧曰其克從先王之烈

傳天將絕命尚無知之况能從先王之業乎

若顛木之有由蘖。

傳言今往遷都更求昌盛如顛仆之木有用生蘖哉。○蘖五達反什音赴

天其永我命于茲新邑。

傳言天其長我命於此新邑不可不從

紹復先王之業底綏四方。

傳言我徙欲如此

盤庚敷于民由乃在位以常舊服正法度。

傳敷教也教人使用汝在位之命用常故事正其法度。○敷戶教反

曰無或敢伏小人之攸箴。

傳言無有敢伏絕小人之



曰無或敢伏小人之攸箴。

傳言無有敢伏絕小人之所欲箴規上者戒朝臣

王命衆悉至于庭。

傳衆羣臣以下

王若曰格汝衆予告汝訓。

傳告汝以法教

汝猷黜乃心無傲從康。

傳謀退汝違上之心無傲慢從心所安

古我先王亦惟圖任舊人共政。

傳先王謀任久老成人共治其政

王播告之修不匿厥指。

傳王布告人以所修之政不匿其指。

王用丕欽罔有逸言民用丕變。

傳王用大敬其政教無有逸豫之言民用大變從化。

今汝聒聒起信險膚予弗知乃所訟。

傳聒聒無知之貌起信險為膚受之言。我不知汝所訟言何謂。聒古活反。

非予自荒茲德惟汝舍德不惕予一人予若觀火。

傳我之欲徙非廢此德汝不從我命所舍惡德但不畏懼我耳我視汝情如觀火。

予亦拙謀作乃逸。

傳逸過也我不威脅汝是拙謀或汝過。

子亦拙謀作乃逸

傳逸過也我不威脅汝  
徒是我拙謀成汝過

若網在綱有條而不紊若農服田力穡乃亦有秋

傳紊亂也穡耕稼也下之順上當如網在綱各有  
條理而不亂也農勤穡則有秋下承上則有福

汝克黜乃心施實得于民至于婚友丕乃敢大言汝有積德

傳汝羣臣能退汝違上之心施實德于民至  
于婚姻僚友則我夫乃敢言汝有積德之臣

乃不畏戎毒于遠邇惰農自安不昏作勞不服田畝越其罔有黍

稷

傳戎犬昏強越於也言不欲徙則是不畏大毒於遠近如  
怠惰之農苟自安逸不强作勞於田畝則黍稷無所有

汝不和言于百姓惟汝自生毒

傳責公卿不能和諭百官是自生毒害

乃敗禍姦究以自災于厥身。

傳言汝不相率共徙是為敗禍姦究以自災之道

乃既先惡于民乃奉其恫汝悔身何及。

傳羣臣不欲徙是先惡於民恫痛也不徙則禍毒在汝身徙奉持所痛而悔之則於身無所及

相時儉民猶胥顧于箴言其發有逸口矧予制乃短長之命。

傳言儉利小民尚相顧於箴諷恐其發動有過口之患况我制汝死生之命而汝不相教從我是不若小民○儉息廉反

汝曷弗告朕而胥動以浮言恐沈于眾。

傳曷何也責其不情告上而相恐動以浮言不徙恐汝沈溺於眾有禍害

若火之燎于原不可嚮邇其猶可撲滅

若火之燎于原。不可嚮邇。其猶可撲滅。

傳火炎不可嚮近。尚可撲滅。浮言不可信用。尚可刑戮絕之。○撲。普卜反。

則惟汝眾自作弗靖。非子有咎。

傳我刑戮汝。非我咎也。靖。謀也。是汝自為。非謀所致。

遲任有言曰。人惟求舊。器非求舊。惟新。

傳遲任。古賢。言人貴舊器。貴新。汝不徙。是不貴舊。

古我先王。暨乃祖乃父。胥及逸勤。予敢動用非罰。

傳言古之君臣。相與同勞逸。子孫所宜法之。我豈敢動用非常之罰。脅汝乎。

世選爾勞。予不掩爾善。

傳選數也言我世世選汝功勤不掩蔽汝善是我忠於汝

茲予大享于先王爾祖其從與享之。

傳古者天子錄功臣配食於廟大享烝嘗也所以不掩汝善○與音預

作福作災予亦不敢動用非德。

傳善自作福惡自作災我不敢動用非罰加汝非德賞汝乎從汝善惡而報之

予告汝于難若射之有志。

傳告汝行事之難當如射之有所準志必中所志乃善

汝無侮老成人無弱孤有幼。

傳不用老成人之言是侮老之不徙則孤幼受害是弱易之

各長于厥居勉出乃力聽予一人之作猷。

各長于厥居。勉出乃力。聽予一人之作猷。

傳盤庚勅臣下各思長於其居。勉盡心出力聽從遷徙之謀。

無有遠邇。用罪伐厥死。用德彰厥善。

傳言遠近待之如一。罪以懲之。使勿犯。伐去其死道。德以明之。使勸慕競為善。

邦之臧。惟汝眾。

傳有善則眾臣之功。

邦之不臧。惟予一人有佚罰。

傳佚失也。是已失政之罰。罪已之義。

凡爾眾。其惟致告。

傳致我誠

告汝眾

自今至于後日。各恭爾事。齊乃位。度乃口。

傳奉其職事。正齊其位。

以法度居汝口。勿浮言。

罰及爾身。弗可悔。

傳不從我謀。罰及

汝身。雖悔可及乎。

商書

盤庚中第十

盤庚作。惟涉河以民遷。

傳為此南渡河

之法用民徙。

乃誥民之弗率。誕告用亶。其有眾。



乃話民之弗率。誕告用亶其有衆。

傳話善言民不循教發善言大告用誠於衆

咸造勿藎在王庭

傳造至也衆皆至王庭無藎慢

盤庚乃登進厥民

傳升進命使前

曰明聽朕言無荒失朕命

傳荒廢

嗚呼古我前后罔不惟民之承



傳言我先世賢君無不承安民而恤之

保后胥感鮮以不浮于天時

傳民亦安君之政相與憂行君令浮行也少以不行於天時者言皆行天時

殷降大虐先王不懷

傳我殷家於天降大災則先王不思故居而行徙

厥攸詐視民利用遷

傳其所為視民有利則用徙

汝曷弗念我古后之聞

傳古后先王之聞謂遷集

承汝俾汝惟喜康共非汝有咎比于罰

承汝俾汝惟喜康共非汝有咎比于罰

傳今我法先王惟民之承故承汝使汝徙惟與汝共喜安非謂汝有惡徙汝令比近於殃罰

予若籲懷茲新邑亦惟汝故以丕從厥志

傳言我順和懷此新邑欲利汝眾故大從其志而徙之

今予將試以汝遷安定厥邦

傳試用

汝不憂朕心之攸困

傳所困不順上命

乃咸大不宣乃心欽念以忱動予一人

傳汝皆大不布腹心敬念以誠感動我是汝不盡忠

爾惟自鞠自苦

傳鞠窮也言汝為臣不忠自取窮苦

若乘舟汝弗濟臭厥載

傳言不徙之害如舟在水中流不渡臭敗其所載物

爾忱不屬惟胥以沈不其或稽自怒曷瘳

傳汝忠誠不屬逮古苟不欲徙相與沈溺不考之先王禍至自怒何瘳差乎○屬音燭注同

汝不謀長以思乃災汝誕勸憂

傳汝不謀長久之計思汝不徙之災苟不欲徙是大勸憂之道

今其有今罔後汝何生在上

今其有今罔後汝何生在上

傳言不徙無後計汝何得久生在人上禍將及汝

今予命汝一無起穢以自臭

傳我一心命汝汝違我是自臭敗穢於廢反

恐人倚乃身迂乃心

傳言汝既不欲徙又為他人所誤倚曲迂僻

予迂續乃命于天予豈汝威用奉畜汝眾

傳迂迎也言我徙欲迎續汝命于天豈以威脅汝乎用奉畜養汝眾

予念我先神后之勞爾先予丕克羞爾用懷爾然

傳言我亦法湯大能進勞汝以義懷汝心而汝違我是汝反先人

失于政陳于茲高后丕乃崇降罪疾曰曷虐朕民

傳崇重也今既失政而陳久於此而不徙湯必大重下罪疾於我曰何為虐我民而不徙乎

汝萬民乃不生暨予一人猷同心

傳不進進謀同心徙

先后丕降與汝罪疾曰曷不暨朕幼孫有比

傳言非但罪我亦將罪汝幼孫盤庚自謂比同心

故有爽德自上其罰汝汝罔能迪

傳湯有明德在天見汝情下罰汝汝無能道言無辭

古我先后既勞乃祖乃父

古我先后既勞乃祖乃父

傳勞之

共治人

汝共作我畜民汝有戕則在乃心

傳戕殘也汝共我治民有殘人

之心而不欲徙是反父祖之行

我先后綏乃祖乃父乃祖乃父乃斷棄汝不救乃死

傳言我先王安汝父祖之忠今汝不

忠汝父祖必斷絕棄汝命不救汝死

茲予有亂政同位具乃貝玉

傳亂治也此我有治政之臣同位於父

祖不念盡忠但念貝玉而已言其貪

乃祖乃父丕乃告我高后曰作丕刑于朕孫

傳言汝父祖見汝貪而不忠必大乃告  
湯曰作大刑於我子孫求討不忠之罪

迪高后丕乃崇降弗祥

傳言汝父祖開道湯大重下不  
善以罰汝陳忠孝之義以督之

嗚呼今予告汝不易

傳凡所言皆不易  
之事○易以豉反

永敬大恤無胥絕遠

傳長敬我言大憂行之  
無相與絕遠棄廢之

汝分猷念以相從各設中于乃心

傳羣臣當分明相與謀念和  
以相從各設中正於汝心

乃有不吉不迪



乃有不吉不迪

傳不善不

道謂凶人

顛越不恭。暫遇姦宄。

傳顛隕越墜也。不恭不奉上命。暫遇

入而劫奪之。為姦於外。為宄於內。

我乃剝殄滅之。無遺育。無俾為種子。茲新邑。

傳剝割育長也。言不吉之人。當割絕滅

之。無遺長其類。無使易種於此新邑。

往哉生生。今予將試以汝遷。永定乃家。

傳自今以往。進進於善。我乃以

汝徙。長立汝家。卿大夫稱家。

商書

書經

卷九 商書盤庚

七

承襲堂

盤庚下第十一

盤庚既遷。奠厥攸居。乃正厥位。

傳定其所居。正郊廟朝社之位。

綏爰有眾曰。無戲怠。懋建大命。

傳安於有眾。戒無戲怠。勉立大教。

今予其敷心腹腎腸。歷告爾百姓于朕志。

傳布心腹。言輸誠於百官。以告志。腎時忍反。

罔罪爾眾。爾無共怒。協比讒言。予一人。

傳羣臣前有此故。禁其後。今我不罪汝。汝勿共怒我。合比凶人而妄言。

古我先王。將多干前功。

三身系  
卷九  
二  
元慎堂

古我先王將多于前功。

傳言以遷徙多

大前人之功美、

適于山。用降我凶德。嘉績于朕邦。

傳徙必依山之險。無城郭之勞。

下去凶惡之德。立善功於我國。

今我民用蕩析離居。罔有定極。

傳水泉沉溺。故蕩析離居。

無安定之極。徙以為之極。

爾謂朕曷震動萬民以遷。

傳言皆不

明已本心。

肆上帝將復我高祖之德。亂越我家。

傳以徙故天將復湯德治理於我家

朕及篤敬恭承民命用永地于新邑。

傳言我當與厚敬之臣奉承民命用長居新邑

肆予冲人非廢厥謀弔由靈。

傳冲童童人謙也弔至靈善也非廢謂動謀於眾至用其善○弔音的

各非敢違上用宏茲賁。

傳宏賁皆大也君臣用謀不敢違上用大此遷都大業

嗚呼邦伯師長百執事之人尚皆隱哉。

傳國伯二伯及州牧也眾長公卿也言當庶幾相隱括共為善政

予其懋簡相爾念敬我眾

予其懋簡相爾。念敬我衆。

傳簡大相助也勉大助汝念敬我衆民。

朕不肩好貨。敢恭生生。鞠人謀人之保居。敘欽。

傳肩任也我不任貪貨之人敢奉用進進於善者人之窮困能謀安其居者則我式序而敬之。

今我既羞告爾于朕志。若否。罔有弗欽。

傳已進告汝之後順於汝心與否當以情告我無敢有不敬。

無總于貨寶。生生自庸。

傳無總貨寶以已位當進進皆自用功德。

式敷民德。永肩一心。

傳用布示民必以德  
義長在一心以事君



書經卷十

漢 諫大夫魯孔安國傳

商書

說命上第十二

高宗夢得說

傳盤庚弟小乙子名武丁德高可尊故號高宗夢得賢相其名曰說

使百工營求諸

野得諸傅巖

傳使百官以所夢之形象經求之於野得之於傅巖之谿

作說命三篇

傳命說為相使

攝政

說命

傳始求得而命之

王宅憂亮陰三祀

傳陰默也。居憂信默。三年不言。○亮本又作諒。

既免喪其惟弗言。

傳除喪猶

不言政。

羣臣咸諫于王曰。嗚呼。知之曰明哲。明哲實作則。

傳知事則為明智。明智則能

制作法則。○哲本又作詰。

天子惟君萬邦。百官承式。

傳天下待令。

百官仰法。

王言惟作命。不言。臣下罔攸稟令。

傳稟受令。

亦命也。

王庸作書以誥曰。以台正于四方。惟心德弗類。茲故弗言。



王庸作書以誥曰。以台正于四方。惟心德弗類。茲故弗言。

傳用臣下怪之。故作誥類善也。我正四方。恐德不善。此故不言。○台音怡。

恭默思道。夢帝賚予良弼。其代予言。

傳夢天與我輔弼良佐。將代我言政教。

乃審厥象。俾以形旁求于天下。

傳審所夢之人。刻其形象。以四方旁求之於民間。

說築傅巖之野。惟肖。

傳傅氏之巖。在虞鏡之界。通道所經。有間水壤。道常使胥靡刑人。築護此道。說賢而隱。代胥靡築之。以供食肖。似似所夢之形。

爰立作相。王置諸其左右。

傳於是禮命立以爲相使在左右

命之曰朝夕納誨以輔台德。

傳言當納諫誨直辭以輔我德

若金用汝作礪。

傳鐵須礪以成利器

若濟巨川用汝作舟楫。

傳渡大水待舟楫

若歲大旱用汝作霖雨。

傳霖三日雨霖以救旱

啓乃心沃朕心若藥弗瞑眩厥疾弗瘳



啓乃心。沃朕心。若藥弗瞑眩。厥疾弗瘳。

傳開汝心以沃我心。如服藥必瞑眩。極其病乃除。欲其出切言以自警。

若跣弗視地。厥足用傷。

傳跣必視地。足乃無害。言欲使爲已視聽。

惟暨乃僚。罔不同心。以匡乃辟。

傳與汝並官皆當倡率無不同心以匡正汝君。

俾率先王。迪我高后。以康兆民。

傳言匡正汝君使循先王之。道蹈成湯之蹤以安天下。

嗚呼。欽予時命。其惟有終。

傳敬我是命修其職使有終

說復于王曰惟木從繩則正后從諫則聖

傳言木以繩直君以諫明

后克聖臣不命其承

傳君能受諫則臣不待命其承意而諫之

疇敢不祇若王之休命

傳言王如此誰敢不敬順王之美命而諫者乎

商書

說命中第十三

惟說命總百官

惟說命總百官。

傳在家

宰之任

乃進于王曰。嗚呼。明王奉若天道。建邦設都。

傳天有日月。北斗五星二十八宿。皆有尊卑。相正之法。言明王奉順此道。以立國設都。

樹后王君公。承以大夫師長。

傳言立君臣上下。將陳為治之本。故先舉其始。

不惟逸豫。惟以亂民。

傳不使有位者逸豫。民上言立之主使治民。

惟天聰明。惟聖時憲。惟臣欽若。惟民從之。

傳憲法也言聖王法天以立教於下無不聞見除其所惡納之於善雖復運有推移道有升降其所施爲未嘗不法天也臣敬順而奉之奉卽上交承也奉承君命而布之於民民以從上爲治不從上命則亂故從乂也

惟口起羞惟甲冑起戎

傳甲冑冑兜鍪也言不可輕教令易用兵也  
鎧若代反兜丁侯反鍪莫侯反易以鼓反

惟衣裳在笥惟干戈省厥躬

傳言服不可加非其人兵不可任非其才也笥息嗣反

王惟戒茲允茲克明乃罔不休

傳言王戒慎此四惟之事信能明政乃無不美

惟治亂在庶官

傳言所官得人

惟治亂在庶官

(傳)言所官得人則治失人則亂

官不及私昵惟其能

(傳)不加私昵惟能是官

爵罔及惡德惟其賢


(傳)言非賢不爵

慮善以動動惟厥時

(傳)非善非時不可動

有其善喪厥善矜其能喪厥功

(傳)雖天子亦必讓以得之



惟事事乃其有備。有備無患。

傳事事非一事

無啓寵納侮。

傳開寵非其人則納侮之道

無耻過作非。

傳耻過誤而文之遂成大非

惟厥攸居。政事惟醇。

傳其所居行皆如所言則王之政事醇粹

黷于祭祀。時謂弗欽。禮煩則亂。事神則難。

傳祭不欲數數則黷。黷則不敬。事神禮煩則亂。而難行。





黷于祭祀時謂弗欽禮煩則亂事神則難。

傳祭不欲數數則黷。黷則不敬。事神禮煩則亂而難行。高宗之祀特豐數近廟故說因以戒之。○黷徒木反。

王曰旨哉說乃言惟服。

傳旨美也美其所言皆可服行。

乃不良于言予罔聞于行。

傳汝若不善於所言則我無聞於所行之事。

說拜稽首曰非知之艱行之惟艱。

傳言知之易行之難以勉高宗。

王忱不艱允協于先王成德。

傳王心誠不以行之為難則信合於先王成德。

惟說不言有厥咎。

傳王能行善而說不言則有其咎罪

商書

說命下第十四

王曰來汝說台小子舊學于甘盤。

傳學先王之道甘盤殷賢臣有道德者○台音怡

既乃遯于荒野入宅于河。

傳既學而中廢業遯居田野河洲也其父欲使高宗知民之艱苦故使居民間

自河徂亳暨厥終罔顯。

傳自河往居亳與今其

傳自河往居亳與今其終故遂無顯明之德

爾惟訓于朕志。

傳言汝當教訓於我使我志通達

若作酒醴爾惟麴蘖

傳酒醴須麴蘖以成亦言我須汝以成

若作和羹爾惟鹽梅

傳鹽鹹梅醋羹須鹹醋以和之

爾交脩予罔予棄予惟克邁乃訓。

傳交非一之義邁行也言我能行汝教

說曰。王人求多聞。時惟建事。學于古訓。乃有獲。

傳王者求多聞以立事。學於古訓乃有所得。

事不師古。以克永世。匪說攸聞。

傳事不法古訓。而以能長世。非說所聞言無是道。

惟學遜志。務時敏。厥脩乃來。

傳學以順志。務是敏疾其德之脩乃來。

允懷于茲。道積于厥躬。

傳信懷此學志。則道積於其身。

惟敦學半。念終始。典于學。厥德脩罔覺。

傳敦。敦也。敦然。微知所困。是學之半。

惟敦學半念終始典于學厥德脩罔覺。

傳敦教也。教然後知。所困是學之半。終始常念學則其德之脩無能自覺。

監于先王成憲其永無愆。

傳愆過也。視先王成法其長無過其惟學乎。

惟說式克欽承旁招俊乂列于庶位。

傳言王能志學說亦用能敬承王志廣招俊乂使列眾官。

王曰嗚呼說四海之內咸仰朕德時乃風。

傳風教也使天下皆仰我德是汝教。

股肱惟人良臣惟聖。

傳手足具乃成人有良臣乃成聖。

昔先正保衡作我先王。

傳保衡伊尹也作起正長也言先世長官之臣

乃曰子弗克俾厥后惟堯舜其心愧恥若撻于市。

傳言伊尹不能使其君如堯舜則恥之若見撻于市故成其能

一夫不獲則曰時予之辜。

傳伊尹見一夫不得其所則以為已罪

佑我烈祖格于皇天。

傳言以此道左右成湯功至大天無能及者

爾尚明保予罔俾阿衡專美有商。

傳言汝庶幾明安我

傳汝庶幾明安我  
事則與伊尹同美

惟后非賢不乂。惟賢非后不食。

傳言君須賢  
治賢須君食

其爾克紹乃辟于先王。永綏民。

傳能繼汝君於先王長安民則  
汝亦有保衡之功。辟必亦反

說拜稽首曰。敢對揚天子之休命。

傳對答也。答受  
美命而稱揚之

商書

高宗彤日第十五

高宗祭成湯。有飛雉升鼎耳而雊。

傳耳不聰之異。雊鳴。○雊工豆反。

祖已訓諸

王。傳賢臣也。以訓道諫王。

作高宗彤日。高宗之訓。

傳所以訓也。亡。○彤音融。

高宗彤日。

傳祭之明日又祭。殷曰彤。周曰繹。

高宗彤日。越有雊雉。

傳於彤日有雊異。

祖已曰。惟先格王。正厥事。

傳言至道之王遭變。

異正其事而異自消。

乃訓于王曰。惟天監下民。典厥義。

傳祖已既言。遂以道訓諫。

王言天視下民以義為常。

降。至有承有不承。非天民。民中絕命。



降年有永有不永。非天天民。民中絕命。

傳言天之下年與民有義者長無義者不長。非天欲夭民。民自不脩義以致絕命。

民有不若德。不聽罪。天既孚命正厥德。

傳不順德言無義不服罪不改脩。天已信命正其德。請有永有不永。

乃曰其如台。

傳祖已恐王未受其言故乃復曰天道其如其所言。台音怡。

嗚呼。王司敬民。罔非天胤。典祀無豐于昵。

傳胤嗣昵近也。歎以感王入其言。王者主民當敬民事。事無非天所嗣常也。祭祀有常不當特豐於近廟。欲王因異服罪改

脩之。

商書

西伯戡黎第十六

殷始咎周

傳咎惡

周人乘黎

傳乘勝也所以見惡

祖伊恐

傳祖已後賢臣

奔告于受

傳受紂也音相亂帝乙之子嗣立暴虐無道

作西伯戡黎

傳戡亦勝也○戡音堪

西伯戡黎

西伯既戡黎

傳近王圻之諸侯在上黨東北

祖伊恐奔告于王曰天子天既訖我殷命

傳文王率諸侯以事紂內秉王心紂不能制今又克有黎國迫近王圻故知天已畢訖殷之王命言將化為周

格人元龜。罔敢知吉。

傳至人以人事觀殷大龜以神靈考之皆無知吉

非先王不相我後人。惟王淫戲用自絕。

傳非先祖不助子孫以王淫過戲逸用自絕於先王

故天棄我。不有康食。不虞天性。不迪率典。

傳以紂自絕於先王故天亦棄之宗廟不有安食於天下而王不度知天性命所在而所行不蹈循常法言多罪

今我民罔弗欲喪。曰天曷不降威。大命不摯。今王其如台。

傳摯至也民無不欲王之亡言天何不下罪誅之有大命宜王者何以不至王之凶害其如我所言

王曰。嗚呼。我生不有命在天。

傳言我生有壽命在天，民之所言，豈能害我，遂惡之辭。

祖伊反曰：嗚呼！乃罪多，參在上，乃能責命于天。

傳反報紂也。言汝罪惡衆多，參列於上天，天誅罰汝，汝能責命于天，拒天誅乎。

殷之卽喪，指乃功，不無戮于爾邦。

傳言殷之就亡，指汝功事所致，汝不得無死戮於殷國，必將滅亡，立可待。

商書

微子第十七

殷既錯天命

傳錯亂也

微子作誥，父師少師

傳告二師而去紂

微子

傳微，圻內國名，子，爵。爲紂卿士，去無道。

微子若曰。父師。少師。

傳父師太師三公箕子也少師孤卿比干。微子以紂距諫知其必亡順其事而言之。

殷其弗或亂正四方。

傳或有也言殷其不有治正四方之事將必亡。

我祖底遂陳于上。

傳言湯致遂其功陳列於上世。

我用沈酗于酒。用亂敗厥德于下。

傳我紂也沈酒酗。敗亂湯德於後世。

殷罔不小大。好草竊姦宄。

傳草野竊盜又為姦  
宄於內外○宄音軌

卿士師師非度凡有辜罪乃罔恒獲

傳六卿典士相師效為非法  
度皆有辜罪無秉常得中者

小民方興相為敵讎

傳卿士既亂而小人各起  
一方其為敵讎言不非同

今殷其淪喪若涉大水其無津涯

傳淪沒也言殷將沒亡如  
涉大水無涯際無所依就

殷遂喪越至于今

傳言遂喪亡於是  
至於今到不待久

日。文師少師。散其發。出狂。吾家老。遂于荒。

曰。父師少師。我其發出狂。吾家老遜于荒。

傳我念殷亡發疾生狂在家老  
亂故欲遜出於荒野言愁悶

今爾無指。告子顛隳。若之何其。

傳汝無指意是我殷邦顛隳墜  
如之何其救之○隳子細反

父師若曰。王子。

傳比干不見明心同省文  
微子帝乙元子故曰王子

天毒降災。荒殷邦。方興沈酗于酒。

傳天生紂為亂是天毒下災  
四方化紂沈湎不可如何

乃罔畏畏。咈其耆長。舊有位人。

書經 卷一 商書微子

三 尺復堂

傳言起沈酒上不畏天災下不畏賢人違戾耆老之長致仕之賢不用其教法紂故○耆工口反

今殷民乃攘竊神祇之犧牲用以容將食無災。

傳自來而取巨攘色純曰犧體完曰牲牛羊豕曰牲器實曰用盜天地宗廟用相容行食之無災罪之者言政亂○牲音全

降監殷民用又讎斂召敵讎不忌。

傳下視殷民所用治者皆重賦傷民斂聚怨讐之道而又亟行暴虐自召敵讐不懈怠

罪合于一多瘠罔詔。

傳言殷民上下有罪皆合於一法紂故使民多瘠病而無詔救之者○瘠在益反

商今其有災我興受其敗。

傳災滅在近我起受其敗言宗室大臣義不忍去

商其倫喪我罔為臣僕詔王子出迪。



商其淪喪。我罔爲臣僕。詔王子出迪。

傳商其沒亡。我二人無所爲臣僕。欲以死諫紂。我教王子出合於道。

我舊云刻子。王子弗出。我乃顛臍。

傳刻病也。我久知子賢。言於帝乙。欲立子。帝乙不肯。病子不得立。則宜爲殷後者。子今若不出逃難。我殷家宗廟乃墮。墜無主。

自靖。人自獻于先王。

傳各自謀行其志。人人自獻達于先王。以不失道。

我不顧行遯。

傳言將與紂俱死。所執各異。皆歸於仁。明君子之道。出處語默非一途。









浙江圖書館善本

乙登記號：000381

一九 年 月 日





TFFEN Color Control Patches

© The Tiffen Company, 2007


Blue Cyan Green Yellow Red Magenta White 3/Color

Centimetres

Inches

上海圖書館藏





Centimetres

**TIFFEN** Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color